

明
詩
紀
事

明詩紀事卷六

貴陽陳田輯

甲

胡翰一首

翰字仲子一字仲申金華人明初以薦授衢州教授
洪武二年召與修元史賜金帛遣歸有胡仲子文集

長山先生詩集

田按洪武元年大將軍徐達取元都獲其十三朝寶
錄以歸二年二月召修元史命前起居注朱濂漳州
通判王禕爲總裁官徵山林遺逸之士祁門汪克寬
德輔餘姚朱禕无逸天台陶凱中立臨海陳基敬初
新淦會稽得之休甯趙訪子常甯波溪文海信安徐
尊生大年新喻趙墟伯友鄞傅恕如心長洲謝徽元
逸傳著則明高啟季迪及黃篪王鈞爲纂修官仲申
與焉開局天界寺八月史成諸人各授官賜金帛遣

歸天逸寄潛溪詩所謂當時十八士去留各有祿也
 惟庚申君一朝史官職廢無實錄可徵召禮部遣使
 行天下其涉於史事者令郡國上之三年二月重開
 史局濂諱仍爲總裁官與纂修者臨海朱右伯賢崇
 德貝瓊廷琚義烏朱廉伯清嘉定王彝常宗浦江張
 丁孟兼河南高遜志士敏當塗李文宗茂江陰張宣
 藻仲吳張簡仲簡杜寅彥正未陽李懋中卿殷弼翁
 演撫復與馮七月書成授官賜歸如前錄前後兩
 局諸公詩惟子常德輔敬初無送仲簡願俠君已採
 入元詩選不列此集與詩綜體例差別竹垞采詩時
 元詩選本尙無大集元遺老詩不妨兼收此集義取
 斷代如舒道原謝龜巢華黃揚沈茶山劉仲修貢南
 湖張光弼吳主一沈花溪諸人概不入選仲申文與
 潛溪華川鼎峙金華詩學有端係爲吳立夫入室弟
 子立夫有胡仲申至詩云新文十餘篇筆墨擅百鍊
 口傳發泰壁竹簡鑿晉竅考論無差爽風雅有正變
 世儒弄俗學雅出極焚街羣羊雖冒虎草悅射則戰
 誰其制橫濱或者夢眩牛毛獨不多磨角時一現
 莫許甚至余讀淵頊集凌厲震宕仲申詩乃純古蒼
 渾師弟子之淵源豈必在面貌之似哉

夜過梁山灤

日落梁山西遙望壽張邑洸河帶梁水百里無原隰葭蓼
差交舟楫窈窕入割若厚土裂中含元氣濕浩蕩無端倪飄
風向帆集野濶天正昏過客如鳥急往時冠帶地孰踵萑苻
習肆噬劇跳梁潛謀固坏整古云萃淵藪豈不增快悒蛙鳴
夜未休農事告春及渺焉江上懷起向月中立

注師韓韓門經學元志河渠食貨俱不及梁山濼惟
於決隄偶序及之明洪武初胡翰過梁山濼詩洸河
帶梁水百里無原隰葭蓼參差交舟楫窈窕入又云
往時冠帶地孰踵萑苻習肆噬劇跳梁潛謀固坏整
是明初猶有水盜也景泰間河決沙灣徐有貞請開
廣濟河謂其外有八十里梁山泊可恃以爲泄其地
之窪下而陷空可知今人見其無水并疑小說言有
水者爲謬豈知地在宋元爲眾水之所聚哉

趙堦一首

堦字伯友新喻人元鄉舉爲上猶教諭洪武初與修

元史賜金帛遣歸尋召修日厯授翰林編修出爲靖

江王長史

田按纂修元史兩局皆與者伯友一人而已宋景濂元史目錄記所謂獨慳能始終其事也徐大章與王待制書亦稱伯友有史才史學其爲名輩所推如此惜詩不多見

阮仲謙客子光陰集

楚水吳山記勝遊
嗣宗孫子尙風流
故園歸種千頭橘
浮世休論萬戶侯
雙景往來成晦朔
羣芳開落自春秋
古來豪傑皆堪恨
獨賴長歌散隱憂

徐尊生二首

尊生字大年涪安人
洪武二年與修元史
史成旋留禮局禮書
成受賜歸六年與修
日厈以薦授翰林應

奉文字有懷歸稿十卷還鄉稿十卷制誥二卷

田按大年以洪武二年奉召至京師與修元史史成
辭歸旋留禮局集禮成乃得歸高季迪送徐先生歸
嚴陵序云嚴陵徐先生大年被召至京與修元史書
成上進詔擇纂修之士官之先生以老乞還甚力會
春官議修五禮爲一代之典乃復奏留之未幾其背
又成先生固中前請大臣知其志不欲強願以事乃
命有司具禮傳送以歸據此則修史時未受官矣六
年召修日歷以宋景濂薦復與纂修日歷成謝病歸
景濂送徐大年還溇安序云中書奉旨纂修日歷朝
紳各薦所知余疏大年名以聞使者持書下郡國大
年驩然應命日歷成廷議將錫之官大年固辭今當
堯舜在上夔龍滿朝大年春秋猶未高沈疴容有卻
藥之時行當杖策造朝盡展所蘊又景濂進口歷序
云纂修官則有布衣臣徐尊生據此則修日歷時未
受官矣其官翰林應奉不知果在何時決不在修日
歷前矣竹垞詩語引懷歸稿中有授翰林應奉詩云
布衣昨日孤寒士翰苑今朝已授官幼有文章淹滯
久老無筋力進趨難隨班香案晨簪筆列坐宮門午
賜餐早晚歸休宜引分免教白髮點金鑿以爲通籍
之證誠爲確鑿復云六年九月詔編日歷大年復與

纂修之列固辭還山拂帝意出爲陝西教授未行而卒則大年官應奉又似在修日歷以前事疑不能明竹垞又云大年自引求去省臣留之續修庚申君史此則絕無之事朱景濂元史目錄記云舊所纂錄之士或仕或隱散之四方惟趙璩始終其事據此則修庚申君史者惟璩一人重參史局大年無緣得與於十四人之列明矣至全浙詩話於大年事蹟修史先後全不明晰竊意置辯又不足論矣

送操公刻還郡陽

宿德高年史局尊經年病廢想邱園相期麟至方投筆忽報
驪歌已在門幽谷便須從李愿空齋恨不閉何蕃芝山當戶

青如舊笑把青巒入酒樽

汗牛何啻三千牘奕葉相兼二百年太史網羅無軼事諸生
絲叢枕新編綠陰畫永毛錐健青鎖宵分蠟炬連千里揚帆
東匯澤也應回首會丹鉛

田按趙子常送操公琬歸番陽序云聖天子旣平海
內盡輦勝國圖史典藉歸于京師乃詔修元史起出
林道遜之士使執筆馮汭以衰病屢謝徵命亦誤在
選中旣至京師問番陽操公琬在替館卧病且夕以
間即可歸公琬學通諸經百氏述作滿家汭日上堂
與諸公從事筆視問退則省公琬疾伴子連榻卧談
論經史俄而得旨遣歸公琬乃爲文一篇以告同舍
同舍之士莫不惜公琬之歸咸賦詩爲贈大年此二
詩當卽此時作也宋景濂亦有奉詔總裁元史故人
操公琬賁與纂修尋以病歸作詩序舊云帝曰元有
史是非尙紛揉苟不亟刊修何以示悠久宜簡岩穴
臣學識當不苟袞斧嚴義例執筆來聽受使者行四
方持檄盡蒐取非惟收譽髦最欲尊黃耆余時奉詔
來君亦至鍾阜一見雙眼明不翅蒙發鄙大啟金匱
藏一評剖發凡及幽微勝辨白與勁奈何君有
疾客邪干氣母僵卧木榻間臚逆夜加嘔日念芝山
青親之若甥舅翩然賦式微使我心如炙平生湖海
情臨岐思分手官樓沽酒別無錢更留緩須記送君
時四月口丁丑計開局始二月史成在八月公琬以
四月去故表上元史時未得列名也

謝徵二首

徵字元逸長洲人洪武初與修元史授翰林編修改

吏部郎中辭歸復起國子助教有蘭庭集六卷

田按元逸與高季迪同徵修元史史成同授編修洪武三年帝御闕樓召對擢季迪戶部侍郎元逸吏部郎中俱以踰冒辭賜白金放歸季迪有詩贈元逸云顧余忝鄉里才華敢論美丹詔偶見徵雲蘿款同起謁帝入九關咫尺瞻天顏從茲謬通籍接武諸公間朝侍青坊讀夜陪玉堂宿講罷分御羹吟成刻官燭並命起列卿寵極翻憂驚我叨掌國計君佐持權衡偕辭向明主叩天聽天語勅資內帑金東還特相許紀其事也

禪窩 師子林十二咏

陰壑寒猶闕空山響已沈白雲無路入禪向定中深

卧雲堂

朝卧白雲東暮卧白雲西白雲長共我此地結幽栖

朱右 八首

右字伯賢臨海人徙居上虞洪武三年以考禮徵與
修元史授翰林編修六年修日厯七年修洪武正韻
尋改晉府長史有白雲集十二卷

田按明史及諸家撰述均不言伯賢以考禮徵惟謝
肅密菴集有送朱先生赴京考禮序云皇帝混一初
元命中書暨翰林太常率諸儒定擬三禮明年再命
集議禮樂又明年徧徵在野道德文章之士相與考
訂之而吾鄉朱伯賢先生實在此焉據此則伯賢以
考禮徵而潛溪又薦之以修元史此足補史闕矣明
茅坤有八大家文抄至國朝儲欣增為十家然古
古文者至今仍謂入家不謂十家也明詩綜思
提要均謂伯賢嘗選定韓柳歐陽會王三蘇為入
生集八家之日實權輿於此余檢貝廷琚清江集有
唐宋六家文衡序云唐宋文衡三百三十篇天台朱
伯賢氏之所選也昌黎韓氏倡於唐河東柳氏次之
廬陵歐陽子倡於宋而南豐曾氏臨川王氏蜀蘇氏
父子次之據此則文衡所選實八家云六家者非蘇

氏父子爲一家也又謂六家文衡損益東萊呂氏之選則伯賢亦有所本矣白雲稿十二卷四庫所收僅五卷有琴操而無詩余據魏氏敦交集石倉明興詩選所錄差廣然終不如得全稿之爲完備也

粵詠亭續蘭亭會補餘杭令謝滕

陟彼崇阿遊目遙岑川雲凌岫林木蔽陰喈喈黃鳥懷之好音亦有良朋載歌載吟

息徒坐蘭渚臨流濯清泉光風被林薄春服麗以鮮持觴撫流景鳶魚樂天淵俯仰同一慨弱毫從所宣

席上次王交山韻

湖波漲新綠水花生晚涼開軒燕嘉客合座送飛簾持此杯中物共聽松上簧泠泠遞金奏濟濟鳴玉鏘良會不可再清歡未渠央

客臨濠奉寄竹深隱居

相知更親舊相思無盡時山川阻縣邈音問渺難期華月出東嶺白日淪西陲南箕北有斗夜夜天河湄念茲中腸熱千里同依依安得乘長風放舟祈山陂松居坐清暑竹間吟新詩插蔬擊鮮鯉共爾斟酌之優游以佚老餘生復奚爲

過楊井山

霧盡寒初退風清雨欲晴山田春飽水農舍早趨耕行李青雲近煙波白髮明正愁泥路滑林外竹雞鳴

江上秋懷

水國風高木葉霜滿舟山色入荒涼小孤殘照收江左大別寒煙鎖漢陽新飯軟炊菰米白濁醪香泛菊花黃故鄉千里

空回首雲樹茫茫鬢髮蒼

由按列朝詩集作揚子善詩今據曹石倉明興詩選採入

次韻奉謝竹深契友

側身天地一閒人寄迹東西浙水濱
賴有詩書迴白首肯隨車馬逐紅塵
向時知已還誰健老去論心獨爾親
夏蓋鳳山皆咫尺不妨來往擷青蘋

與竹深同舟過姚江秋雨應候涼氣襲人陪飲守拙齋
醉還明日竹深以詩來因次韻以答

初秋同抵舜江城曉析聲聲渡柳營
雁塚過雲山色暗虞淵浴日海光明
龐公足跡甯浪出李氏仙舟逐水生
醉上籃輿向城市葛衣風輒酒初醒

陶凱一首

凱字中立臨海人元末領鄉薦洪武初召修元史除翰林應奉擢禮部尙書出爲湖廣參政召還爲國子

祭酒改晉王府右相致仕追論在禮部事死有集

田按徐大章作陶尙書集序稱中立才高學博識見

卓遠又與王待制論修元史書稱中立存史學惜集

今不傳中立致仕後號耐久道人帝問而惡之追論

在禮部時朝使往高麗主客曹誤用符驗論死當時

士之以文字受禍者高季迪以作上梁文王常宗以

作文孫西菴以題藍玉畫王叔明以往藍玉家觀畫

蘇平仲以表箋件旨王弇州云洪武間三司衛所進

表箋皆令教官爲之當時以嫌疑法者不少其可
知者浙江府學教授林元亮爲海門衛撰增宮吏俸
謝表內用作則垂憲誅北平府學訓導趙伯甯爲都
司撰賀萬壽表內用垂子孫而作則誅福州府學訓
導林伯璩爲按察司撰賀冬節表內用儀則天下誅
桂林府學訓導蔣質爲布按二司作正旦賀表內用
建中作則誅常州府學訓導蔣鎮爲本府作正旦賀

表用睿性生知誅常德府澧州學正孟清爲本府作
賀冬節表內用聖德在秋誅陳州學訓導周冕爲本
府作萬壽賀表內用壽域千秋誅懷慶府學訓導呂
睿爲本府作謝欽賜馬匹表用遙瞻帝扉誅祥符縣
學教諭賈翥爲本縣作正旦賀表用取法象魏誅鳳
陽府亳州訓導林雲爲府作賜燕謝東宮箋用式君
父以班爵祿誅尉氏縣學教諭許立爲本府作萬壽
賀表用雷震天下誅德安府訓導汲登爲本府作賀
冊立太孫表用永紹億年誅德安府訓導吳憲賀冊
立表用永紹億年誅又有以天下有道及望拜青門
誅者諸所誅者則嫌於賊也生知嫌於僧也帝扉青
於帝非也有道嫌於盜也其他則不可曉矣帝扉青
諱不載而雙槐歲抄出於黃氏祖孫之筆頗核因節
而志之余又檢李文達日錄云高廟時有張翰林者
以直諫謫瀟州學正表詞有天下有道萬壽無疆之
句上怒曰謗我是強盜即嚴逮殿鞠張仰首曰陛下
有旨表文不許杜撰務出經典下有道乃四書聖
言萬壽無疆乃國風頌語何云誹謗上良久曰還書
強釋之左右相謂曰數年以來惟容此一觀此則
不容者多矣當時有廣文御囚撰表墓誌之謠哀哉

送醫士戴元禮歸金華

昔遊金華山振衣上層雲清風生兩腋草木發奇芬尋幽出
澗阿坐石散羊羣僊人渺何許可望不可親別來三十歲滄
海幾揚塵翱翔清都上喜見金華人鉤深談玄理稽古勘典
墳手持活人書長揖動搢紳歲暮歸故山驅車出城闕西風
吹寒雁送別滄江濱初平儻相見爲我道殷勤聖主御六合
坐使風俗淳從茲調玉燭四海皆陽春

會魯一首

魯字得之新淦人洪武初徵修元史授禮部主事擢
侍郎以病歸道卒有守約齋集

田按侍郎以博綜舊典受知孝陵甘露降鍾山羣臣
獻詩賦獨見褒賞詩集失傳選家僅錄送黃道士還
九宮山詩一篇余從查夏重西江志見題蔡淵仲散
木菴詩亟登之淵仲樂平人元徽州教授洪武初陶

主敬守儆州薦於朝不起

題番陽蔡淵仲散木菴

蒙莊古達士涉世熟憂患著書雖寓言垂戒非誕設有生勿
爲材祇以身試難杞梓堪棟梁何曾保枝榦彼樗乃散木匠
石眼不看終然老山林長將樛爲伴年壽齊古椿傲倪寒暑
換就中一轉語妙處最宜玩旣全曳尾龜復殺不鳴雁萬事
貴無心倚伏昧前筭材與不材間至理須剖判舉似散菴人
笑齒爲余粲

朱廉一首

廉字伯清義烏人洪武三年與修元史史成乞歸復
與脩日厯除翰林院編修遷楚府長史

輓朱長史伯賢

昭代聲名被八埏吾宗文采更輝然會持史館春秋筆復入
王門醴酒筵他日淩煙期畫像一朝馭氣逐飛仙絕奇喜有
徐卿子翠石鑲銘照九泉

田按伯清詩不多見此詩見朱性父珊瑚木難同時
輓朱長史者尚有金華鄭濤麟溪吳興林靜子山金
華劉剛養浩此數人詩亦罕見又方希直詩二首遜
志齋集亦未載並附錄於此鄭詩云結巢方共白雲
依夜壑丹藏忽兩移一代才華歎已遠百年耆舊正
堪悲蘭風忍見新封土薤露興歌謾有詞須信承祧
賢嗣續烝嘗克奉謹時思林詩云口城山水未能歸
幾度宮花照錦衣窩裏白雲無定所又隨明月上天
飛劉詩云學士鑿坡視草時金蓮夜賜子同歸如今
尙憶清光近地下修文孰是非方詩云東浙騰聲久
詞林受薦遲才高當世用心付後人知遇主甯非命
傳經幸有兒蕭條大夫里閨道更從誰士難今始覺
文在世應傳幸不求封禪從人歎草玄神交秦漢上
氣貫斗牛躔一飯懷遺德臨殮每慨然

李汝一首

汝字宗茂當塗人洪武初召修元史除巴東知縣改

南和

田按當塗二李在元季有重名吳淵穎稱伯羽之文簡密嚴奧一辭弗苟仲羽之文豐腴縉麗五采爛然伯羽名習仲羽名翼史稱明太祖取太平耆儒李習與陶安率父老出迎授習太平知府卒官習有椒櫚集峩漁小稿沙撫雜抄惟椒櫚集著錄明史藝文志今亦罕傳宗茂仲羽之子與兄宗泰齊名宋景濂稱文行疑峻俱為名儒又稱宗茂之祖敘父翼三世俱以文名祖母姚夫人亦有梅窗集

牛渚春濤

牛渚磯頭望眼開
桃花浪煖積成堆
隨風怒捲半山雪
帶雨遙轟徹夜雷
照水已憐溫嶠去
乘湖疑有子胥來
盟塘三峽應相似
會擬乘槎覽勝回

張孟兼一首

孟兼名丁以字行洪武三年與修元史史成授國子學錄歷禮部主事太常寺丞出爲山西按察僉事遷

山東按察副使爲吳印所訐論棄市有白石山房稿

田按孟兼官國子學錄時國學旁有玉兔泉宋丞相秦檜之所鑿也孟兼作玉兔泉銘爲泉洗辱劉伯溫聞之繼作後玉兔泉銘云嗚呼泉乎夫何辜爲檜所污世無吳隱之孰昭其污檜死爲蛆泉潔自如我作銘詩眾或斯社洪武五年宋潛溪與仲子璉遇孟兼於成均命侍史汲玉兔泉淪茗俄熊參軍鼎劉職方崧周虞部子諫皆集呂太常仲善問之亦驩然來會孟兼出新造玉兔泉銘諷之且曰今夕何夕勝友如雲不可無以爲娛請舉泉聯詩潛溪爲之倡餘則以次而積門奇據勝開闢弗能休至二鼓詩成各散去詩曰成均地何靈聖澤資灌沃灑兔奔兆奇徵井深發新斲鼎自非三窟深孰湛一湖綠韞儲精木從金生色絕勝玉辭霜毛燕飲雪霏翻夜浴菘釀冽補酒經沐丹驗仙錄耕杵春蟾宮藥珠噴鱸堂觸髮孕

月生陰精觀天漏晴旭灘冰澄毛骨堅鑑澈鬚眉獨
鼎鍊名徒自奇狷行獵難贖羶難灑東郭夜難洗上
蔡辱訶引緒瓶未贏探幽經類嶽流罌滲銀床出
寶滅瓊粟酬醉沃目暈花凍波指連瘵凝濡毫乃自
潤照影從人欲灑光沈天上魄祥敗地中躅鼎摘辭
把餘清盪薦竹嘉告訶劍刺非貳師池移豈身毒鞋
燕支愧淫陳鹽鹵都富蜀崧不動疑蓮雪頻探笑風
籛黜天光一眼開雲影片鱗束瓊劇嚙覺瘳煉蹶足
想才于濊髣沸虎爪跑剝吸獺臂曰鼎潔土濯冠纓
渴卒卸刀韞訝精當昂君降液或并宿督韜誰知鍾
阜分脈與伊洛屬暮錫名爾固嘉戰句吾何局聯
將指鼎比埃勝擊鉢促瑤鷲風落燈盞斜月壁橋曲
靈源詎能窮短咏聊可錄濂孟兼子諒贖辱二聯蓋
猶是洗辱之意也潛溪白兔如嫌宮冷走入杏花壇下
日作詩呈潛溪云白兔如嫌宮冷走入杏花壇下
井姪娥無伴每相尋水井亭亭落孤影會搗秋風玉
日霜至今泉味帶天香玉堂仙翁欲飲容鹿虛夜半
響空廊盞燈明滅茶煙裏醉魂忽醒松風起只愁詩
就失彌明殘雪滿庭寒似水諸公才藻風華生際承
平岸憤哦詩詢可作成均一段佳話也孟兼以潛溪
薦得召見孝陵謂曰瓊丞骨相薄仕宦徐徐進可耳
卒與禍會方希古爲作傳云法雖過嚴其底於此酷

厥有自哉孟兼恃氣凌人而才鋒峻立青田與孝陵
評騰才人品居第三惜白石山房鴉散佚莫由賞其
神駿耳

春日遊鍾山以溪回松風長分韻得長字

訪古來鍾阜尋僧問草堂千年援鶴靜一徑石苔荒泉落春
冰細梅留臘雪香鄉心憐薄暮矯首碧雲長

王彝一首

彝字常宗其先蜀人徙居嘉定洪武三年以布衣召
修元史賜金幣遣歸尋薦入翰林乞養歸坐魏觀事
死有三近齋稿

王士禛香祖筆記王徵士集都少卿元敬編元敬稱
其古文明暢英發又或以爲吳中四傑之一以常宗
代張來儀者今觀其詩歌行擬李賀溫庭筠墮入惡
道餘體亦不能佳安能與高楊相頡頏乎

田按楊鐵崖擅名元季王常宗作文妖以詆之李西
涯領風雅於成弘之間張孟獨謂其蕪沒先進門一
韻之艱爭一字之巧以詆之厥後錢牧齋爲西涯修
怨至謂孟獨竊康德涵之詩王漁洋爲鐵崖復仇至
謂常宗擬溫李墜入惡道士僧多口天道好還亦可
畏哉平心而論常宗詩類鐵崖本自眷屬一家胡乃
操戈同室都元敬謂常宗文明暢英發或以此屈鐵
崖未可知也

江貫道長江圖

霜後洞庭淺崖枯不見苔朔鴻南岳去千嶺一猿哀楚俗依
稀在吳帆浩蕩迴平生此離抱偏向畫中開

田按貫道此圖題者二十五人文徵仲跋云諸賢題
詠皆清麗可喜字畫亦精謹不苟余錄常宗此作並
錄諸作之佳者附見於此高啟詩云前峰落照明後
嶺層嵐積葉盡露山村潮來沒江石遙遙射雁于慘
慘聽猿客何處下歸帆西陵渡頭夕張適詩云溪南
山曲折舍北水西東樵轡千峰雨漁歌五兩風煙生
寒谷暝潮落晚江空爲客經行處悠然此畫中徐貴
詩云風定江聲稍息霜清山色逾妍浦橋漁舟夜火

沙市人家晚，煙陶琛詩云：石出夜湖，落山明寒霧，消江空千里，棹村迥一歸樵，樹色連沙嶼，人家傍野橋。還同舊樓地，風景日蕭蕭，潘伯濟詩云：岷峨雪消春水急，瀟湘雨餘雲樹濕，迢迢翠嶼孤，鶴迴澗，湛珠宮。老蛟泣征帆，數點風濤中，出沒不計天，西東鄉關杳渺在何處，鴛首遙送雙飛鴻，金間詩云：霜落半林秋，鶴鳴翠山靜，僧寺夕陽邊，殘鐘送孤艇，悵望未歸人，空江澹雲影，王遜詩云：涼風動蕪州，江上秋來早，落葉滿溪橋，荒村人跡少，何處是漁家，炊煙起林杪，此圖會藏高淡人詹事家藏江村消暑錄。

張宣 三首

宣字藻仲，初名瑄，江陰人。洪武三年，以考禮徵與修。

元史授翰林編修，以事謫濠道，卒有青陽集。

許學夷澄江詩選張仲藻古詩語多警絕，律則始振唐音，使天假之年，未有涯矣。

田按藻仲少有才名，尤善草書，高季迪有草書歌贈藻仲云：昔聞汝祖東吳精，醉傳草聖醒而驚，汝今能飲不滿杓，逸氣欲與相崢嶸，高堂把筆若把槊，長綃一拂悲風生，陰垂大澤雷雨過，響破巨峽波濤傾。

毳遊絲臂晴盡落高斗回寒更飲猿連臂深澗絕
儀鶴振翅荒煙橫自言靜裏觀萬物故能變化窮其
情其爲當時推重如此詩亦俊爽有氣格

染絲行

吳蠶吐絲白於銀染絲上機顏色新往來拋梭不停手及時
花樣隨他人以色媚人人見喜不惜蘭房勞玉指莎雞弔月
鳴夜鳴杼軸啞啞淚如水明日彤廷促功賞輸官不得虧銖
兩績麻成布自可衣染絲莫上寒女機

長州春雨

東風漲新綠吳雨斷復鳴細澆花粉墮斜暈水紋生臺翠不
成弄廊屨俱有聲朝觀思無那白鳥煙江明

吳江夜泊

風壤三州接江湖一水過虹消滄海雨日落洞庭波羌笛梅
花引吳歎子夜歌從軍古云樂吾意竟如何

貝瓊八首

瓊字廷珺一名闕字廷臣崇德人洪武三年徵修元
史賜金帛遣歸六年以薦除國子助教九年改中都
助教有清江集四十卷

四庫總目瓊學詩于楊維禎然其論文稱立言不在於
絕刻峭而平衍爲可觀不在荒唐險怪而豐腴爲可
樂蓋雖出於維禎之門而學其所長不學其所短宗
旨頗不相襲朱彝尊靜志居詩話謂其詩爽豁類汪
廣洋整麗似劉基圓秀勝林鴻清空近袁凱風華亞
高啟明淨過張羽繁縟愈孫黃足以領袖一時鄉曲
之言未免過實然其詩溫厚之中自然高秀雖不能
兼有諸人之勝而馳驟諸人之間實固無所多讓

眞眞曲

姚文公爲承旨時一日玉堂燕集聲伎畢奏有眞眞者操南音公疑而問之泣對曰妾建甯人西山之苗裔也父司筦庫於濟甯坐盜用縣官財賣妾以償遂流落倡家公憫之遣使白丞相三寶奴爲落籍且謂翰林屬官王棣曰汝無妻以此姬配汝吾卽其父也賞裝皆出於公棣字棣華後官至翰林待制噫以西山之賢子孫陵遲疑不至於此然辱於始而正於終是亦天也貧谷筆談記其事余乃賦四十二韻而沈鬱悽婉亦足以盡其大略矣

斷絲棄道邊何日綠長松墮羽別炎洲不復巢梧桐請君且勿飲聽我歌悞悞在昔全盛時冠蓋紛相從盤遊易水上意

氣天山雄金刀手割鮮酒給葡萄濃坐有一枝春秀色不可
雙娉婷劉碧玉綽約商玲瓏寶鬢金雀釵已覺燕趙空或聞
操南音未解歌北風上客驚且疑姓字初未通問之慚復泣
乃起陳始終妾本建甯女遠出西山翁父母生妾時謂是金
母童梨花鎖院落燕子窺簾櫳迢迢官朔方南歸山水重侵
貸國有刑桎梏加父躬粥女以自贖白璧淪泥中秋娘教歌
舞聲價傾新豐永爲倡家婦遂屬梨園工攬鏡拂新翠吹簫
和小紅身居十二樓屢入明光宮京華多少年門外嘶青驄
自傷妾薄命失路隨秋蓬不如孟光醜猶得嫁梁鴻客問爲
三嘆祖德甯未崇回黃忽變綠人事何匆匆有客傷纒縈無
人憐蔡邕遣使白丞相削籍歸舊宗小史三十餘勿恨相如

窮配汝執箕箒今夕看乘龍鴛鴦並玉樹鸚鵡開金籠銀甲
不復整紅牙不復從提甕自汲水絺綌亦御冬應非事羊侃
頗類歸建封琵琶感商婦老大猶西東堪微怨顛顛浪寫丹
青容依依章臺柳落絮春無蹤小妾恨題驛竟與瓊奴同時
多困坎珂事或欣遭逢焉知百尺井歎登羣玉峯借問爲者
誰內相姚文公

列朝詩集按諸集並載具瓊無具岡光岳英華載具
闕廷臣無貝瓊程廣疏會選則貝岡貝瓊並列據陶
九成輟耕錄載姚文公嫁伎女事云嘉興貝岡有詩
今真真前載在清江集中而貝瓊木字廷臣則闕乃
瓊之別名非兩人也今正之
田按其據此詩見其谷筆記而作高季迪青邱集有
真氏文詩序云余在史館日談次有言姚文公欲玉
堂落籍真氏女事者同館之士聞之多賦詩余亦爲
作一首妾恨非從縈上書動天子自覺償縣官幸得
脫父死誰知故相家失身居狄斜遂令陌中柏翻作

道旁花當筵唱金樓朋客驚聞語相問忽相隣開籠
放鴉鴉棄置舞衣裳新理嫁時裝良人身作吏不是
販茶商花釵映羅扇初與耶相見貴賤古難常妾心
那敢怨願耶去作官莫學官錢數生子但生男家門
免多辱

醉芙蓉歎

蜀江芙蓉四十里花外樓臺夾江水蜀主龍舟八月來日照
千門錦雲起一朵依稀武都女雪色宮衣輕欲舉已竊元珠
化水仙不同石鏡埋黃土朝妍夕態還相憐傅粉塗黃俱草
草春風入髓猶未蘇丹砂換骨應長好凌波殿廢花亦殘江
上秋深風雨寒武林城南偶識面把酒共看頰玉盤十年流
落雲間路欲尋舊賞知何處芳心一點對斜陽脈脈無言歲

華簪

題火龍烹茶圖

并序

右火龍烹茶圖蓋寫古帝王事而斷繖落粉半爲好事者裂去獨有茶具及黃衣中使拱而立者二人烹茶者一人錢惟善定爲唐之元宗豈嘗見其全歟然所謂元宗者不知當勸精圖治與張說一二大臣共樂集仙時耶抑其旣耄而昵於妃子時也特人物位置要非院工所及未暇考譜以實之姑爲題其左云

松聲忽作秋漪雄銅龍吐火鱗甲紅黃衣中使備玉食泉出金沙甘露濃春風一旗色尚活建溪山人雨前掇蓬萊殿裏沃焦餘玉盃分霑侍臣渴名花喚起海棠魂細葉未數丁香根宮中一日歌舞散世上千秋圖畫存開元盛事何人省

生亦解誇雙井空人掃葉燒破鐙閉門讀書秋夜永

徐給事山水歌

并序

給事中徐以文善山水嘗爲禮部員外張惟中作層巒疊嶂圖惟中求余題詩於上予放置篋中竟爲好事者持去乃賦長歌而復之

吳門故人徐給事一山一水稱絕藝濃毫燥墨隨意成位置非難在神氣大山積鍊青巒岫小山伏起蛟龍蟠水有百道噴薄之飛湍宛然坐我明星玉女下五月六月松聲寒荆關筆法自奇古未數畫師揚契丹仙家樓臺十二闌飲煮胡麻須可餐採藥何人入少室讀書有客居王官我遊白下未得去五更出門雪滿鞍虛空翠黛不復覽一日剪向高堂看員

外張公尙文采身住南宮志滄海李白已死今無詩卷示老
夫增慷慨近來好事復持去夢覺煙霞竟安在白鶴夜怨青
猿悲山中春老歸何時寫我平生有聲畫償君太古無聲詩

姑蘇

城濱姑蘇伯業終蕭蕭茂死自秋風青絲白馬來江表紫蓋
黃旗入洛中宮殿獨留殘月照綺羅應逐曉雲空如何十萬
貔貅士不及吳陵一旅雄

郊居

背郭茅堂低入燕通郵小徑曲縈蛇碧雞坊裏詩人宅石磴
崖前刺史家流水暗通三徑竹曉雲濃淹一溪花他年著我
林間老垂釣共分瀉瀉沙

蜀山圖

連峰接岫寫秦州雨洗蛾眉積翠浮石出劍門皆北向水通
鹽澤自西流松頭一片秋雲溼鳥背千盤細路幽策馬匆匆
度關客何如漁父一扁舟

送王克讓歸湖南侍親并柬李中卿縣丞

五兩風生楚客歸夢魂先已到庭闌九疑舜塚蒼梧野三闕
周郎赤壁磯天地茫茫人自老古今歷歷鳥空飛若逢李白
頻相問別後平安二字稀

田按中卿名懋未陽人洪武三年與修元史除棠邑
縣丞明史文苑附見趙璠傳中而不詳其字里事蹟
延珺文集有送李敏卿赴桂陽教授序云湖南李敏
卿謁余成均蓋棠邑丞中卿之弟也中卿與余預編
纂元史者五月學極博凡三十六年君臣行事余每
咨之而中卿亦稱余之序事直而不諛史成于歸構

李且三年又徵爲國子助教相望四千里外不得一見及見徽卿道其出處則知老於衡山之下把酒前玩歲月也據此則中卿學問出處均有可觀錄此以補史闕并以告湖而之徵文獻者

杜寅一首

寅字彥正吳人洪武三年與修元史除岐甯衛知事

八年番賊既降復叛被害

田按史稱彥正死於番賊僅官知事列朝詩集謂彥正仕至侍郎莫得其詳也彥正與高季迪爲素交季迪集中有與杜進士寅登白蓮閣對雨詩則彥正爲元進士矣寄杜二進士詩云花開寄別離花落正相思交誼多年進鄉愁近日知白蓮寺次韻杜進士話舊詩云不辭鳴棹遠相尋欲向江齋伴旅吟百事未成年已長爲時後別夏將深二人交分不淺彥正詩不多見病榻聯句附見季迪集中錄於此抱質雖輪囷託根何坎壈杜寅死色見已深生意存猶頗高成老枿魚牛身餘葉禿偏髻餘黃恩謝漢陵春爽非陸渾火寅柯傾瘁待扶節痛瘡思裏下穀封此埤上穴殺蝶羸黃風欺聲告哀雨眉汗憎頻寶空題善

容孳脆猿愁墮厥將斲豈中梁欲劔詎宜舸貧盡瘁
缺青葱稍枯辭猗傑真乏子供爐焚無陰庇床坐
蠶盡豚鳥餓巢傾蹟難破黃暉形慘若厓突腹腫如
果寅膝纏偶假妝薛剝每慙裸敢主惜覲匠願樵窺
避僧邏賁土瘠力易衰巖危勢難安寅殺懼苦霜仍
醫期甘露可啟成器未為福不材返逃禍賁依林尚
支撐亞石猶磊珂寅閱歲失貞委承陽愧織朵敢操
率孔誦稱名負杜吟播賁敢要秦樹封孰效禹梅鎖
寅蟠深漫欲踞架重甯堪荷敢氣同生固均數異測
誠巨賁膏乾燃不明屑墜掃還夥寅客憐平賦悲童
乘培功惰敢終護竟煩誰今看幸遭我賁句奇韻險
頗不相下

曲江寫懷似良夫

曲江羈旅愁見食思螺女門徑悄無人斜陽下洲渚芻蕘晚
相過兩賤成賓主不識懷瑾人雜言相爾汝凝絕祇自憐知
遇有誰許世味須飽嘗梟鷲方混處出戶一悽然埃風暗吳

楚

呂復一首

復字仲善章貢人洪武初爲國子典膳采史北平山
東還遷太常典簿歷太常丞

田按仲善常充史局往北平山東採元統以後事其
行也宋潛溪有序送之其採史南還也凡詔令章疏
謠俗野史碑碣家集錄爲百二十帙上之官集爲目
錄四編而藏其副於家劉子高宋潛溪爲之序其簡
首又揭北平碑文四百通山東碑文一百通可謂好
事史稱歐陽佑等往北平採遺事此語殊大分叨常
時遣使十二人分行各省仲善與佑往北平山東劉
夏往河南陝西在北平開局故國子監在河南開局
武成廟側其名氏可考者尙有黃虛張貫不知所往
何省決非北平一省可知矣史家損文往往事不明
晰皆此類也佑字公輔元學士臨陽玄孫按史還羅
陝西按察僉事見蘇平仲文集

題方壺蒼山秋意圖

昔遊華蓋仙人掌萬疊芙蓉紫翠生猶記月明聞鐵笛人間

無處著秋聲

李叔正 一首

叔正名宗頤以字行改字克正靖安人明初以薦授
國子學正改渭南縣丞遷興化知縣召爲禮部員外
郎以老乞歸不許除助教拜監察御史巡嶺表還擢
湖廣參政遷禮部侍郎進尙書

田按列朝詩集於叔正名字仕履不得其詳曾煥江
西詩徵亦沿其謠今據明史改正叔正名列江西十
子惜集不傳

送呂君采史北平

八月烏嗶海子橋南來使客下青霄雲埋石室丹書在日落
延秋翠輦遙麟史未全歸聖代龜文猶得認前朝詞臣載筆

需文獻莫遣回車久寂寥

田按呂仲善采史北平名流皆有贈詩今附錄於此
胡仲子詩云又見陳農去遙臨折木墟山川遊幸後
文獻亂離餘備極傳聞吳歸從直筆書百年殷監在
盡獻玉階除高季迪詩云有詔纂前史徵儒起巖阿
願子豈其才亦來預編摩勝國社已結遺書歎無多
忍令百年間忠邪半湮磨君今使燕齊注事煩蒐羅
會看得萬編歸獻載以駭傳聞貴有徵議論期無頗
諸公執筆候去矣毋蹉跎趙子常詩云龍庭返騎如
飛煙真人端拱恢中原北平圖籍載連舸挂一漏萬
無完篇妖星夜斗躔奎宿山川千載還清淑國書不
使外廷傳翰林青簡空如玉監殷監思前車詔起
羣儒當疾書皇家制作貴傳信未許太史徵無且舊
事遺文促投訪狼籍幽燕藉君往五車上送見書成
一代興亡如指掌

明詩紀事卷七

貴陽陳田輯

高啟七首

啟字季迪長洲人洪武二年與修元史授翰林編修
尋擢戶部侍郎辭放還以魏觀事坐法死有鳳臺吹
臺江館青邱勝壬南樓槎軒婁江姑蘇雜詠等集自
選爲缶鳴集景泰中吳人徐庸彙爲大全集 國朝
桐鄉金檀復搜逸輯注爲青邱集十八卷

四庫總目高啟天才高逸實據明一代詩人之上其於
詩擬淡魏似漢魏擬六朝似六朝擬唐似唐擬宋似
宋凡古人之所長無不兼之振元末纖穠得麗之習
而返之於古啟實爲有力然行世太早殞折太速未
明詩紀事卷七

能鑄變化自爲一家故備有古人之格而反不能
名啟爲何格此則天實限之非敢過也特其摹仿古
調之中自有精神意象存乎其間譬之楮牘襖帖究
非硬黃雙鈞者比故終不與北地信陽太倉厯下同
爲後人詬病焉
都穆南濠詩話韓文公詩曰我生之初月宿南斗東
坡謂公身生磨蝎宮而已命亦居是宮蓋磨蝎卽星
紀之次而斗宿所躔也星家言身命舍是者多以文
顯以二公觀之名雖重於當世而遭逢排謗幾不自
容蓋誠有相類者吾鄉高季迪爲一代詩宗命亦舍
磨蝎又與坡翁同生丙子洪武初以作文竟坐腰斬
受禍之慘又二公之所無者吁亦異矣
張習四傑集序國初以高楊張徐比唐之四傑故老
言不惟文之似而其攸終亦不相遠肩巷盈川令終
如一太史之樊同乎賓王北郭雖不潮海僅全要領
而非首邱司丞投龍江又與照鄰無異噫亦異矣
葉盛水東日記楊文定公嘗云范文正高季迪皆出
姑蘇兩人氣象不同蓋於其所賦卓華峯見之范云
笠澤研池小寫籀架石我仰憑天作紙寫出太平歌
高云雲來初似墨雁過還成字千載只替空山靈恨
何事
田按季迪諸體並工天才絕特尤爲明三百年詩人

稱首不止冠絕一時也青田作二鬼詩自負與潛溪
並峙天壤而清本上是五雲閣下之仙卿何年降謫在
青邱子臞不道姓與名但好覓詩句自今自酬廣朝
世間向人散不及營兒不苦吟兀兀不果迎頭
吟忘其飢暮吟不華纓不龍虎苦戰門不果迎頭
髮被寬不家不垂華纓不龍虎苦戰門不果迎頭
愁被傾不家不垂華纓不龍虎苦戰門不果迎頭
忙奔難向水際獨坐林中獨行氣披元精造化
萬物難向水際獨坐林中獨行氣披元精造化
如破懸壯若眉長鯨清同吸沉澹險比排嶂
萬晴雲披軋若草萌高攀天根探月窟星虹助
萬怪呈妙意俄同鬼神會佳景每與江山爭世
光氣煙霧出華英音韻樂自負亦復不淺入史
物爲我娛自金石相轟鏗其理天下財賦力辭蓋可
館後驟摧戶部侍郎以不羸其理天下財賦力辭蓋可
有托而逃觀其京師寓廨不能理天下財賦力辭蓋可
見矣迨夫魏守獄興牽連以死舊遊素交遠其志可
楊孟載詩云鸚鵡才高竟殞身思君別我愈傷神每
憐四海無知己頓覺中年少故人祀我友生香稻精
魂歸邱壠杜鵑春文章有期茲別渺無迹茫茫瑤華
巾徐幼文詩云昔別會有期茲別渺無迹茫茫瑤華
問然竟何適且暮淒淒以深形影弔單隻惟餘瑤華

言和諧重金石一讀一偷情老淚屢揮滴張來儀詩
云平生五千卷甯救此日艱又云中耶幼女今癡小
遺藁千篇付與誰浦長源詩云鼓罷瑤琴遂解形蕭
蕭日影下寒城薄田供祭遺妻子新冢題名望友生
地下未應消仗氣人間誰肯沒詩名舊盧重過悲聞
笛欲賦招魂竟不成玉碎崑崙蘭焚楚澤千古才人
同聲下淚矣

天界玩月 有序

洪武二年八月十三日元史成中書表進詔賜纂修
之士一十六人銀幣且引對獎諭擢授庶職老病者
則賜歸于鄉閩二日中秋諸君以史事甫成而佳節
適至又樂上賜之優渥而惜同局之將違也乃卽所
寓天界佛寺之中庭置酒爲翫月之賞分韻賦詩以
紀其事啟得衢字云

聖主念前鑒述作徵名儒羣來高館間厠述愧我愚孰謂此
賁輕毫端有褒誅書成進丹陛召對共拜趨去留雖不同雨
露均沾濡已淹三時勞可廢一夕娛况逢端正月當空照眉
鬢流光滿金界境與人間殊廣庭布長筵嘉肴薦芳腴豈惟
多士集亦有名僧俱興酣資形忘諧笑不復拘觴行豈辭勤
仰看轉斗樞明晨卽分袂此樂誠須臾人生四海間相見皆
友于不知誰使令流蕩無根株忽然此相遇旋復成天隅願
各崇令名迢遙步亭衢明年重見月相憶當長吁

穆陵行

并序

永穆陵宋理宗陵也在會稽元至元初西僧楊發聲
眞住請發宋諸陵許之既取其殉寶復以理宗頂骨

爲飲器後籍入官以賜帝師天兵克元詔求得之命
有司歸葬焉

樓船載國沈海水金槌墮入三泉裏空中玉馬不聞嘶日落
寢園秋色起魚燈夜滅隧戶開弓劍已出空幽臺髡胡暗識
寶氣盡六陵松柏悲風來玉顛深注醅酥酒誤比戎王月支
首百年帝魄泣穹廬醉骨飲冤愁不朽幸逢中國眞龍飛一
函雨露江南歸環珮重遊故山月冬青樹死遺民非千秋誰
解錮南山世運興亡覆掌間起輦谷前馬蹏散白草無人澆
麥飯

田按周密癸辛雜識云楊髡先啟甯宗理宗度宗楊
后四陵劫取寶玉惟理宗之陵所藏尤多啟棺之初
有白氣互天蓋寶氣也理宗之屍如生越三日竟失
其首或謂西番僧回回其俗以得帝王髑髏可以厭

勝致富故盜去耳未言其爲飲器也羅有開所撰唐
王潛傳鄭天祐所書林義士事備詳西僧發陵始末
亦未及飲器事臨川危太僕博洽舊聞嘗與太祖論
宋元興替因言及夏人揚輦真珣爲江南總攝悉掘
徽宗以下諸陵攫取金寶哀帝后遺骨瘞於杭之故
宮築浮屠其上名曰鎮南以示厭勝又截理宗顯骨
爲飲器真珈敗其資皆籍於官顯骨亦入宣政院以
賜所謂帝師者太祖聞之歎息良久遣工部主事谷
秉彝至北平索飲器北平守將賈德於西僧及紹興
詔應天府尹堙諸鳳臺門高座寺之西北及紹興以
禾穆陵園來獻遂救葬陵人意見於明史太僕傳
末余謂太僕入明惟此事故強陵人意官綴此亦有
微意也貝廷瑤清江集亦有穆陵行云六陵草沒迷
東西冬青花落陵上泥黑龍斷首作飲器風雨空中
魂夜嘖當時直想金棺腐鑿石通泉下深固一聲白
雁度江來寶氣憐持妖僧去金屋猶思宮女侍玉衣
無復祠官護可憐持妖僧去金屋猶思宮女侍玉衣
人欲見起江東鐵馬九月月王帝飼烏薦及狐兔真
雨花臺下閉幽宮流螢夜飛石虎殿江頭白塔今不
見人問萬事安可知杜宇聲中淚如霰此詩蓋與季
迪同時而作附見於此

贈醉樵

川釣已遭獵野耕終改圖不如山中樵醉卧誰得呼采山不
采松松花可爲酒酒熟誰共斟木客爲我友木客已去空石
牀舉杯向月邀吳剛借汝快斧斫大桂要令四海增清光林
風吹髮寒擁耳獨枕空尊碧巖裏此時忘卻負薪歸猛虎一
聲驚不起世間萬事如浮煙看碁何必逢神仙青松化石鶴
未返酒醒又是三千年

藝苑卮言勝國時法網寬大人不必仕宦中每歲
有詩社聘一二名宿如楊廉夫輩主之宴賞最厚饒
介之分守吳中自號醉樵延諸文士作歌張仲簡詩
擅場居首坐贈黃金一餅高季迪白金三斤楊孟載
一鎰後承平久張洪修撰爲人一文得五百錢
田按仲簡醉樵歌竹垞謂此詩殊不見好殆如李獻
吉之嗤袁海叟白燕詩最下最傳也今錄季迪詩并
錄二張詩於此以俟具眼之品評者仲簡詩云東吳

市中逢醉樵鐵冠欹側髮飄蕭兩肩矻屹何所負青
松一枝懸酒瓢自言華蓋峯頭住足跡踏遍人間路
學書學劍總不成惟有飲酒得真趣管樂本是王霸
才松喬自有煙霞具手持崑岡白玉斧曾向月裏斫
桂樹月裏仙人不我嗔特令下飲洞庭春與來一吸
海水盡卻把珊瑚樵作薪醒時邂逅逢王質石上看
棋黃鶴立斧柯爛盡不成仙不如一醉三千日于今
老去名空在處處題詩償酒債淋漓醉墨落人間夜
夜風雷起光怪來儀詩云華蓋山高互南楚朕產奇
材少榛莽山人嗜酒而業樵背山高樽手持斧丁
伐木雲之深束薪欲擔力不任且傾醪藉盤石痛
飲莫知西日沈白眼望天歌鼓腹掛衣半染苔花綠
頽然俯枕樹根眠鼻息如雷撼巖谷起來卻笑朱買
臣兵用金紫纏其身堪羨劉伶行荷鍤生死無累全
天真榷楠豫章等枯梗惟取醅酌真樂境泛觀世士
多沈酣誤入牢籠猶未醒

天閑青驄赤驃二馬歌

漢家諸將開經濟列宿儲精降人世天遣同成一代功亦有
房星化騏驥青驄剪髮高作花赤驃灑汗微成霞人間何處

得奇種恍惚西至踰流沙年來百戰從天子曾逐烏騅到江
死不慙飽食玉山禾天廡時清少鞭使周王八駿去不來唐
帝六馬應凡材何如二龍總超絕蹴踏四海荆榛開園官雙
鞵頻迴顧萬里長楸恐驚鶖嘶處秋生閩閩風浴時曉動昆
明霧一匹前牽一匹騎馳道每出隨龍旗態閒步穩識上意
不敢搖頓黃金羈昨看巡狩還都邑鏡吹聲催移仗急羽林
萬騎從如雲追逐飛塵豈能及嗟哉此馬不異人乘時際遇
蓋有神請看垂耳鹽車者那得昂藏八尺身

送王檢校錡赴北平

半年同舍客京華看遍龍河寺裏花纔進史書朝日下便紆
官授去天涯平蕪遠塞秋驅騎衰柳遺宮晚噪鴉莫道窮邊

成久別待君歸草玉堂麻

田按王錡洪武二年與修元史附見明史文苑趙璠傳中史不詳其投官此詩足以補闕

弔七姬塚

疊玉連珠棄草根仙遊應逐墜樓魂孤墳掩夜香初冷幾帳留春被尙溫佳麗總傷身薄命艱危未負主多恩爭妍無復呈歌舞寂寂蒼苔鎖院門

王益姑蘇志七姬墓在郡城東北隅潘氏後園張羽作權厝志七姬皆良家子事浙江行省左丞柴陽潘公皆爲側室性皆柔慧姿容皆端麗修潔善女紅製衣織經手皆精巧絕倫事其主及夫人皆能以禮其羣居和而有序皆不爲怙寵恃美之行公每聞閨閭間婦女能以節概自立者歸必爲語其事皆應曰彼亦人爲耳公笑曰若果能耶及外艱輿敵抵城下公日臨戰一旦歸召七姬謂曰我受國重寄義不顧家脫有不宿誠若等當自引決毋爲人恥也一姬跪而前曰主君遇妾厚妾終無二心請及君時死以報

日音杀三身一

一

一

毋令君疑也遂趨入室以其悅自經死于戶六人者

亦皆相繼經死公聞之曰何若遽死耶實至正丁未

七月五日也以世難弗克葬乃斂其屍焚之復以其

遺骸燼于後圃合為一塚公遠取其封曰是非若所

安也行營高敞地而遷焉時以日薄故未暇為志及

踰月始狀其事屬羽將勒石追瘞于塚側嘗觀古之

史氏所載貞妃烈婦能識節義決死生而不顧者恆

曠世而一見今乃于一家一日而得七人焉吁不奇

矣哉乃列其姓氏于石而系之以銘程氏蜀郡人年

三十生女一人生奴翟氏廣陵人年二十三徐氏黃

岡人年二十生女一人不借羅氏濮州人年二十三

卞氏海陵人年與羅氏同彭氏與卞氏同郡其年與

徐氏同段氏大南人年十八其先死者也公名元紹

字仲昭實未魏王延美之裔其先以避禍易今姓未

復云銘曰生也同其天死也同其時而瘞又同其封

壤樹蕭條罪于之宮尚卜高原以承無窮又同其封

田拔七姬權厝志張羽文宋克書虛熊象嘉靖間石

始出文徵仲跋云僞周據吳日開賓賢館以致天下

豪傑故海內文章技能之士悉萃於吳其陪臣潘元

紹以國戚元勳位重宰相雖酌酒嗜殺而特能禮下

文士故此石出於倉卒之際而一時文章書字皆極

天下之選陳基夷白齋集有羣珠碎詩云繡紋刺綺

春纈長蘭膏，鬢髮肌香芳。年豔嬈花月，三三兩兩紅鴛鴦。翠靴踏雲雲帖，安海棠露濕胭脂。冷情粉作蝶戀花，新曲從翻玉連鎖。畫堂銀燭天沈沈，揚眉一笑輕千金。明珠買得絲珠心，欲揮魚腸掃妖豈。主君勿疑心似醉，一宵痛擊擊珠碎。門前鐵騎嘶寒風，奇勳解使歸元戎。此詩亦爲七姬作也。余又檢鐵崖樂府有金盤美人歌序云：刺僞駙馬潘某也。潘娶美媚凡數十內，一爲蘇氏，才色兼美。醉後尋其罪殺之，以金盤薦其首於客宴。絕類北齊主事閔亡伏誅。臺城投其首於河，歌云：昨夜金床喜薦美人體。今日金盤愁愁薦美人頭。明朝使君在何處，瀾中人漸血骷髏。君不見東上琵琶骨，夜夜鬼語啼瑩。羨潘暴戾如此，而七姬甘爲之死，亦異矣哉。

宮女圖

女奴扶醉踏蒼苔，明月西園侍宴迴。小犬隔花空吠影，夜深

宮禁有誰來

列朝詩集吳中野史載李述因此詩得禍，余初以爲無稽。及觀國朝昭示諸錄，所載李韓公子姪諸小侯

爰書及高帝手詔豫章侯罪狀初無隱避之詞則知
季迪此詩蓋有爲而作諷諭之詩雖妙絕今古而因
此觸高帝之怒假手于魏守之獄亦事理之所有也
論者詳之

徐欽本事詩按袁山堂外紀載洪武間金華張尙禮
爲監察御史一日作宮怨詩云庭院沈沈晝漏清閉
門春草共愁生夢中正得君王寵卻被黃鸝叫一聲
高帝以其能摹寫宮闈心事下置室死此事正與季

迪相類

靜志居詩話世傳侍郎因宮女圖詩買禍孝陵猶忌
情或有之然集中又有題畫犬詩云狗兒初長尾茸
茸行响金鈴細草中莫向瑤階吠人影羊車夜半出
深宮此則不類明初掖庭事或是刺庚申君而作好
事者因之傳會也

楊基
四首

基字孟載其先嘉州人家於吳爲張士誠記室明初
安置臨濠旋徙河南放歸起爲滎陽知縣召至京改
太常典簿再謫鍾離被薦爲江西行省幕官以省臣

得罪落職復起奉使湖南廣西授兵部員外郎出爲

山西按察副使進按察使奪官輸作卒於工所有眉

卷集十二卷

陶宗儀書史會要楊基正書師鍾元常行草師二王

畫史會要孟軻善山水竹石

麓堂詩話楊孟載春草詩最傳其曰六朝舊恨斜陽

外南浦新愁細雨中曰平川十里人歸晚無數牛羊

一笛風誠佳然綠迷歌扇紅襯舞裙已不能脫元詩

氣習至簾爲看山盡捲西更過纖巧春來簾幕怕朝

東乃豔詞耳

南濠詩話世稱高楊張徐孟戴詩律尤精如云花無

桃李非春色人有笙歌是太平一官不博三竿日萬

事無過兩鬢星子愛其閒曠及亂世身如危處立異

鄉人似夢中來千金已廢牀頭劍一字無存架上書

則又歎其困窮如云紅雨落花來袞袞綠波芳草去

迢迢六朝舊恨殘陽裏南浦新愁細雨中子愛共舍

蓄及云柳色嫩於鵝破殼薛痕斑似鹿解胎小雨透

花青見夢輕雷催笋碧抽尖則又驚其新巧至翠袖

錦箏邀上客畫船銀燭照歸人高樓錦瑟花連屋深

下	入	手	呂	虎	古	笛	田	明	風	又	隔	斛	秋	詩	優	似	花	落	青	巷
浸	弁	譜	豹	豹	音	歌	按	詩	急	岳	牆	買	千	藪	柔	面	冉	見	苔	珠
三	成	以	一	一	一	一	孟	別	雨	陽	蓋	胡	社	楊	痛	顏	冉	蕩	蕩	簾
萬	絕	召	聲	庭	聲	效	載	裁	冥	一	擲	娘	俠	孟	快	紅	閒	武	柳	映
六	頂	陽	吹	破	混	體	負	楊	其	果	金	氣	載	結	萬	愁	則	帝	橋	則
千	人	而	跪	丹	歌	歌	詩	孟	尤	桃	扶	平	無	客	里	閒	又	金	盤	又
頃	不	呼	混	辰	云	云	名	載	為	花	深	欺	牽	少	歸	雨	見	玉	露	見
之	識	陰	混	一	鐵	鐵	楊	七	膾	深	強	年	合	排	心	沈	其	多	入	其
白	我	都	混	聲	崖	崖	鐵	言	炙	院	章	駒	行	比	鷗	沈	象	八	陣	情
浪	不	將	混	問	道	道	崖	短	孟	笑	左	塢	用	其	送	恨	之	陣	雲	致
洞	厭	春	混	君	人	人	來	古	孟	求	寶	白	沈	亦	客	不	矣	開	屯	綺
庭	會	秋	混	何	吹	吹	吳	原	孟	漿	騎	雙	君	詩	片	髮	兀	矣	如	麗
上	有	一	混	破	鐵	鐵	下	本	孟	等	雙	劍	君	人	時	如	矣	開	屯	矣
立	使	百	混	天	笛	笛	于	李	孟	語	雙	劍	君	之	殘	春	矣	開	屯	矣
七	者	四	混	地	宮	宮	坐	願	孟	視	雙	劍	君	之	夢	草	矣	開	屯	矣
十	徵	十	混	心	微	微	上	常	孟	沈	雙	劍	君	之	鳥	綠	矣	開	屯	矣
二	球	二	混	一	聲	聲	屬	建	孟	作	雙	劍	君	之	驚	笑	矣	開	屯	矣
朵	珠	年	混	聲	吹	吹	諸	諸	孟	遠	雙	劍	君	之	人	會	矣	開	屯	矣
之	具	華	混	吹	開	開	公	公	孟	過	雙	劍	君	之	則	花	矣	開	屯	矣
	區	削	混	開	太	太	鐵	鐵	孟	之	雙	劍	君	之	又	花	矣	開	屯	矣

青瑤岑莫邪老鐵作龍吼丹山鳳舞江蛟吟易哉宗
彥吾所欽赤泉之盟猶可尋更吹一聲振我清白祖
大鳴盛世載廢阜財解溫南風琴鐵崖得此詩大喜
挾與俱東謂從遊者曰吾在吳又得一鐵優於老鐵
矣此詩雖不見工然對客揮毫可以想其豪宕之氣
矣眉菴集中不乏冲雅之作特才華爛漫時傷纖巧
矣州摘其判醉望愁醒愁因醉轉增是詞中菩薩蠻
語尙短柳如新折後已殘花似未開時是流溪沙調
語竹垞附和之摘至數十聯昔人評燕子瞻詞是詩
秦少游詩是詞弇州竹垞所云固未損其聲價

白門蒼高二聘君

結交貴知己不在早與遲嗟我識子晚深淺唯子知每於朋
儕間擊節賞我辭前年吳城破子居我西馳交遊非不多獨
念與子離相去日已遠數與禍患罹道路傳我死可信子尙
疑日暮過我廬爲我涕交頤今年我還京適子應詔來握手
發長歎示我夢我詩我昔患難中精爽無不之而子獨夢我

與子若有期方子夢我初正我念子時春風鳥嚶嚶花落滿

故枝爲買一斗酒痛飲春江湄生死固常理勿爲達士嗤

田按孟載與季迪交分不淺青邱集有贈楊榮陽詩
云嘉陵美山水亦復富文彥楊君遠其邦材拔性高
狷平生眼無人遇我獨相善陌頭每並出兩騎無後
先喜從免園遊慙受狗監薦君歌我固服我賦君亦
羨有時出城西山水恣攀踐龍門剝陰苔高什記題
徧歡遊正相酣世事忽驚變朋儕半死生一往如激
電我棹返江潯君車赴淮甸旋聞逐流人居濠又移
汴聖恩忽加憐收拔佐山縣卑曹敢云辭執版謁府
掾低飛蓬蒿間不異雉帶箭有親寓京師年老闕供
饌欲奉朝夕歡去職胡敢擅農上宰相書得歸遂微
願我時別君久問訊愧無便空題憶君詩細字書滿
卷今春被詔起前史預編撰始來長干門楊柳正飛
燕逢君風塵餘不改舊顏面握手話苦辛悲喜雜慶
唁據此則孟載令榮陽後以養親得告來遊白門而
季迪適以修史至兩人酬唱情誼何其深摯也又青
邱集中有次韻楊儀曹雨中次韻楊禮曹移疾五律
二首初不知儀曹所指何人及檢徐幼文集有次韻
楊孟載詩正與青邱二詩韻合據此則孟載嘗官禮

曹矣孟載寓江甯村居寫懷詩云囊無太史新頒歷
友有容臺舊賜香張來儀續懷友詩云賓筵罷醇醴
容臺淹下秩下注云懷嘉陵楊典簿也據此則孟載
官太常典簿矣云禮曹者太常統於禮部也又劉子
高有奉寄楊使君孟載詩云憶昔京闕初相逢承詔
作樂調笙鏞形闕春樹集鸞鳳畫省秋水開芙蓉江
西徵還入司馬天上兵曹動聲價據此則官禮曹當
在江西幕官之前矣徧檢明史及列朝詩集明詩綜
江東之眉菴集序劉子威續吳先賢贊均無言孟載
官儀曹者而余以數詩鈞稽得之姑附見於此以補
孟載仕履之闕云

題宋周會秋塘圖

有序

右宋周會秋塘圖一卷前元皇姊大長公主所藏也
前有皇姊圖書印記後有集賢翰林諸詞臣奉皇姊
教旨所題自大學士趙世延王約而下凡十六人時
鄧文原袁伯長俱爲直學士李洞以翰林待制居京

師爲監修國史實至治三年也元運方隆皇姊雅尙
文學一時名公詎備以文章翰墨寵遇當時其盛蓋
可想見元旣革命此卷遂出江左吾友薛起宗得於
其私沈祥氏一日攜以見示且徵題詩余雖不獲援
筆其間而一十六人者猶及親炙一二袁鄧二老又
皆先子之友不可作矣把玩再四敬題于後

陂塘九月菰蒲老
葭葉無多荷葉少
無數飛來白鷺明
一羣遊去青鬼小
寒雲弄影忽成霞
雁帶斜行下淺沙
晚色不隨流水去
秋光都在拒霜華
當時內殿春風細
紫衣傳教詞臣醉
飽謝文章沈宋才
詩成曲盡秋塘意
塘水秋來景漸疏
疏低煙斜日照平蕪
鴛鴦去盡芙蓉死
空向人間看畫圖

聽老京妓宜時秀歌慢曲

春雲陰陰圍繡幃梨花風緊羅衣薄白頭官妓近前歌一曲
纔終淚先落收淚從容說姓名十三歌學郭芳卿先皇最愛
芳卿唱五鳳樓前樂太平鼎湖龍去紅妝委此曲宜歌到人
耳潛向東風作慢腔梨園不信芳卿死從此京華獨擅場時
人爭識杜韋娘芙蓉秋水黃金殿芍藥春屏白玉堂風塵回
首江南老衰鬢如絲顏色槁深歎無人聽此詞縱能來聽知
音少說罷重歌爾莫辭我非徒聽更能知樽前多少新翻調
一度相思一皺眉

田按青樓集顧時秀姓郭氏字芳卿高季迪聽教坊
舊妓郭芳卿弟子陳氏歌云燕國佳人號順時蓋順
時秀芳卿別號也又云回頭樂事浮雲改盛玉埋香
今幾載世間遺譜竟誰傳弟子猶憐一人在蓋謂芳

卿死後弟子僅遺陳氏一人也又云江南年少未嘗聞元是當時供奉曲孟載此詩亦云風塵回首江南老蓋二人聽歌同在江南則所謂宜時秀者當卽陳氏之別號也孟載又有贈宜時秀絕句云欲唱清歌卻掩襟晚風亭子落花深坐中年少休輕聽此曲先皇有賜金

寄楊鐵崖先生

不見雲間楊鐵史寮中七客近如何老來詩句疏狂甚亂後文章感慨多長笛參差吹海鳳小瑤楊柳舞天魔春明且盡嬉遊樂莫解梁鴻五噫歌

田按鐵崖文集七客者志云抱遺老人嘗得斷劍於洞庭緜氏子鍊爲笛又得古琴於赤城相傳賈師相故物得胡琴於太陵呂氏得管於杭老宮人所云宋道君內府物又得玉帶硯一古陶甕一硯爲文文山之手澤甕爲秦祖龍藏中器也既而關一室以居六者老人時燕居其中六者皆以客待之而又命之名鐵笛曰洞庭鐵龍君琴曰赤城焦氏秋胡琴曰西域斛律珠管曰象山龍君氏同硯曰文山石帶玉甕曰陶

氏太古春老人以不遇於世又自客六者之間而七
焉總而顏容之所曰七客者之寮孟載此詩所云寮
中七客卽謂此也抱遺老人鐵崖別號也

張羽 十一首

羽字來儀潯陽人徙於吳元末領鄉薦爲安定書院
山長洪武初徵至京應對不稱旨放還再徵授太常
司丞坐事竄嶺南未半道召還自知不免投龍江死

有靜居集六卷

書史會要張羽喜臨蘭亭帖

李日華六視齋筆記張來儀不獨能詩兼亦善畫會
臨高房山小幅感而作歌有云我縱有心嗟欲老又
云乾坤浩蕩江湖闊縱我執筆嗟何從蓋深心於是

者

畫史會要張靜居畫法米氏父子筆意最妙亦喜高
房山曾臨其小幅山水有五峯秀出青芙蓉雲氣鬱

鬱如遊龍之句

國雅張司丞來儀體裁精密情幽深頗似錢耶其
送僧還日本云杖錫去隨緣鄉山在日邊徧參東土
法頓悟上乘禪呪水歸龍鉢翻經避浪船本來無去
住相別與潛然字沈著至遊山寺向松老知僧昔
臘禪空悟佛心或譏其剽竊韓翃僧臘禪心語也
子卿有明月照高樓想見餘光輝子美有落月照屋
梁猶疑見顏色不以爲病今來儀用水經行意湖上
轉妙余近題南林禪院亦云前流有意逝古耶
青山冥坐心寓目得句與此合豈有意逝古耶
田按來儀榜所居曰靜者居之樓長季迪有
者居記云今有人焉處空谷之中矣而利祿之念不
之聲不聞車馬之迹不至其居靜矣而利祿之念不
忘於心窮約之憂每拂乎慮雖夸然而行塊然有坐
顛倒擗攘無異奔鷺於埃壙者子謂其靜乎又有
人焉遊於邑都宅於市里鄰有歌呼之喧門有造請
之雜心倦乎應答身勞於將迎其居非靜矣而抱廉
退之節慎出處之誼雖逐焉羣於衆人而進不躁
忽視世之抑揚變態俟而後來者若雲煙之過目
漠然不足以動之謂其非靜者乎季迪此言庶幾
知退者與禪之會亦所遭之不幸也來儀悲矣
赴臺詩云天網恢恢恢恢康莊徧榛菅讀之良可悲矣
來儀五古可肩隨孟載七古奔軼絕塵超孟載而上

之特方之季迪尙非其倫如虬髯客見太原公子未
堪并驅中原

題陳長司畫 是其臨難時作

若人悟縣解委蛻順天刑慷慨赴東市一日爲千齡李公悲
上蔡陸子喟華亭識機若不豫達生良可經朱紘亦易絕
景不可停從容洒芳翰炳煥若丹青好藝永傳世精魄長歸
冥披圖懷平素涕淚緣襟零

列朝詩集陳惟允洪武初官濟南經歷坐法死臨難
從容染翰盡畢就刑張來儀記其事惟允西市之日
能以翰墨結習遺翰至怖視稽生琴夏侯瑟尤爲難
事以兵解之法推之謂之畫解可也

題赤城霞圖送友歸臺

結髮好名山遨遊遍吳楚東遊不到天臺路長憶興公賦中
語赤城煥高霞翩然空中舉靈溪碧草春淒淒瀑水和風響

秋雨我欲振金策飄飄凌九垓遊神不死庭迴光眺瓊臺手
招丹邨人共卧石上苔紅顏去人不復返老大求仙嗟已晚
生今去愁人心贈生赤城圖聽我赤城吟勞勞亭下一杯
酒離愁萬里生秋陰客車明日當早發雲颿孤飛度東越國
清寺前千尺松歲晚應歸望山雪道逢寒山子爲寄相思情
未絕山人若欲知我心五界峯頭看明月

徐黃門畫

黃門給事三十餘面如紅玉少有鬚風骨豈是山澤癯問著
只愛山中居前年版下鶴頭髻微起直上青雲衢文華堂高
凌紫虛出入侍從陪金輿排方小帶紅羅襦精神宛如馮子
都朝下手拈八尺笈左旋右轉風生軀有時自擘雙雕弧命

中疊發誰爭呼歸來賓客滿直廬
京城酒貴不住酤爛醉坐
叱蒼頭奴執燭寫此雲山圖
方今盛閱多文儒似君才藝
衆中無文宜侍中武金吾不
負堂堂美丈夫山中故人交
不疎十年貧賤長相俱升沈
忽如鳥與魚糜鹿敢逐麋
龍趨見君此畫恆嗟吁關西
行李今何如祝君名成歸五
湖來尋高陽舊酒徒何辭解
衣贖百壺與君痛醉黃公墟

韓介玉畫爲童中州掌教題

介玉乃張仲舉門人

我識河東老詞客鶴骨伶俜長八尺
白頭徒步拾公卿人生變化誰能測
將軍跋扈天爲傾公持寸管力與爭
當時直氣動朝野至今文采傳諸生
諸生白面今已老三載儒冠空潦
倒罷歸百事無所爲萬壑千巖恣
揮掃丹邱元圃落眼前澗

水松風鳴浩浩出來絕藝出天機肉眼紛紛爭醜好吳興博
士今鄭虔故山未歸雪滿顛今年召對席屢前蒙恩親賜水
衡錢歸來見盡心茫然拄杖欲問金華船金華之洞小有天
下與五岳相鉤連初平鍊丹去成仙弟兄聯袂風翩翩洞前
白石如羊眠我欲訪之何由緣要得與子相周旋饑餐紫霞
拾瑤草不止一笑三千年

戴山迎送神曲

山蒼蒼兮多木橫絕四野兮下無麓傲遠望兮登高神不來
兮勞于目煦煦兮雅雅璽修儼兮紛來御叶胡不來兮夷猶
將誰須兮遠者芳莫芳兮淵有萍潔莫潔兮卣之清雲爲蓋
兮霓爲旌神之來兮山冥冥

絳闕兮朱堂冠余山兮神所宮神之愉兮旣降叶翩龍駕兮
雲中屢舞兮僊僊紛進拜兮庭前靈天蛟兮好服神弗言兮
意已傳性不實兮酒不旨將淹神兮神安止神弗止兮福遺
我事夫君兮長無已

懷友詩

有序

周道方殷猶歌伐木陶情無慕尙賦停雲况屬時艱
久乖朋好欲攄契闊實藉篇章自牛文學而下得廿
三首因懷成詠不以爵壽爲序徐髴續賦用繼末篇
念君多苦節亂後竟悠悠古巷青襟散空闌白髮愁近書無
片紙舊業有扁舟最憶相尋處柴門獨樹秋

韓徵君相

破宅臨湖住閒身過鶴長逢人矜俠氣遇難恥儒裝有婦頻

修藥無兒解捧觴從來多遠志今日在何鄉華孝廉野

送別記初春書來報哭親干戈方滿目裘墨未離身文體高

如命官程拙似人曾聞舊徒說懷德易沾巾唐助教肅

灑埽空齋住渾忘應世情身閒成道性家散剩詩名古器邀

人玩新圖揀客呈窮怡山水興垂老失時平倪山人贊

曾住潛龍地逢人話昔緣行高生俗敬法勝怪師傳沙鳥聽

朝梵胡奴伴夜禪未應愁末劫塵想自成憐沙門懷渭

聲譽徧時流風沙慘弊裘泛交通俠士長揖說諸侯夜雨菱

湖館秋風剡水舟從來爲客慣漂泊可無愁胡參政鉉

李日華六硯齋三筆張來儀博學有高致善畫以廟
誌爲宗世不多見周敏仲攜示一卷雲林蕭疎煙岫
出沒乃平遠之佳者來儀詩澄淡婉逸與徐幼文張
伯雨並行卷中有懷友詩二十三首人占其一然獨

及倪山人瑣而幼文輩不與想此詩作於斬黃盜起
後各自避戎離散因而興懷故所舉不同耳來儀書
法縵婉有異趣髣髴謝莊月賦亦墨寶中結璘火齊
也詩本集逸去今錄於此
田按來儀懷友詩不及季迪孟載幼文止仲唐卿蓋
作詩時同在吳城園中來儀本集有續懷友詩序可
考也懷友詩自牛文學諒以下廿三人懷牛文學云
名高登第後倣喪親時諒於元蓋會登第者此可
與張志道詩稱諒爲元末甲午大魁相印證矣

明詩紀事卷八

貴陽陳田輯

用鐵

徐賁
三首

賁字幼文其先蜀人徙常州再徙吳張士誠辟爲屬
已謝去居湖州蜀山吳平謫徙臨濠洪武初用薦奉
使晉冀還授給事中改御史出按廣東改刑部主事
遷廣西參議再遷河南左布政使以事下獄死有北

郭集六卷

國雅徐方伯幼文詞彩適麗風韻凄朗殆如楚客兼
蘭湘君芳杜每多惆悵鼻亭山作全佳當似耿漳余
嘗愛共折蓮子絕句云柔絲零落芳心苦未及秋風
已斷腸讀之頗增悲慨集中有送曾伯滋赴西河將

暮云上將初分開儒官解習兵風旗春獵野雪帳夜

歸營澗水從眠下祁山入隴平知公能賦筆草檄報

邊聲中二聯並佳

王穉登吳郡丹青志徐幼文畫山水林石濯濯可愛

六硯齋三筆徐幼文作繪清潤恬雅所題楷華亦秀

整端慎不為杳拖白恣今得親共草書泰山紀遊三

詩雄緊跌宕山入旭素無不淋漓快健乃知古人之

不可測也詩云萬仞巖頭上帝居紫宸絳節接清虛

崑崙尚想周王制崑崙是仙真窟宅願得安期一

軸孤根西北接天樞自是仙入真窟宅願得安期一

起子其二曰山下更衣路漸難巖巖高上懸巉峴天

關遙控三千里煙磴斜懸十八盤複殿何留元符礪

老松仍挂龍宮怪來爽氣清入骨玉峽流雲絕壁

寒其三曰翠削芙蓉倚碧盤空霞橙度飛輶絕壁

金銀雙闕迴澄空鐘磬萬山岩天門過雨嵐光合日

觀標霞海色遙穹碑讀罷占遺跡欲共元暉問沈源會

于頃氏見之仲韶云幼文字學晉王虞畫法董源會

本事詩楊孟載夢錄軒序曰余與幼文同齋鍾離結

屋四楹幼文居東余居西詩云去年長城正酣離卻

憶危樓望蕙蔭今年放逐到長淮萬綠時於夢中見

因題其室曰夢綠幼文紀夢詩云夢裏綠陰芳草盡

中春水人家何處江南風景鶯啼小雨飛花又聽歌
云綫得聽歌便淚垂眼前不似舊題時青春多半遺
離亂白髮能消幾許悲知其身傷離亂又遭逢遷謫
故閒情之作亦復淒楚
田按季迪與幼文投契不淺季迪送徐七往蜀山書
舍詩云獲君乃瑚璉顧我猶斗筲高懷矯衰薄雅音
變哇咬該詩辨六義讀易窮諸父情親豈殊意氣合
真同胞因依像輪輻暢和諧墳苑妓席夜留宴僧扉
豔搗故要眇送兩唱瀾翻雜談調北郭秋夜喜徐幼
文遠來兼送南歸云東海徐君我同里日共周旋接
冠履斯人自是真可人不見心憂見之喜懷徐七云
客行日已遠我思日已積東南望歸棹鳥去煙波夕
憂來不成言滿抱空賦賦徐記室謫鯉離歸後同登
東邱亭云同上高亭一賦詩喜逢君是謫歸時不然
此日登臨處應望天涯有遠思可謂情溢言外幼文
詩才不及高楊張而蹈矩中規亦自善用其短詩集
稱北郭而呂志學跋幼文惠山圖云幼文所製樂府
詩文若干卷籤題悟澹集此又讀幼文詩者所當知
也

蜀山

在吳興弁山南十里

喧囂厭已久閑居喜茲遂茆茨起高明澗道入深邃鑿牖通
震方開扉面離位藩編槿雜簷壁補蘿牽荔并欄旋解苞田
植齊吐穗溪山固可娛風雨亦足庇到日始八九良友得三
二客情卒難愜人姓頗煩記時具茶果招或攜酒肴餽感激
壯歲心慰藉平生意茲欲尋幽期弗暇理塵事請方未遍遊
近處聊一至指引賴必芻隨行有童稚陟怯危磴歛瞰訝頽
岡岐窈窕悟險途披叢見傾隧緩流似矜清舊藏欲呈瑞變
綠亂秋蕩發頽老葉醉深村鴉放絕荒山古祠闕匡攢紫閣
陰松映綺疏綴聖像委蒙塵靈幡颯驚吹背史失記名朱榜
但題謚庭空衆草羅地僻百虫蚊鳴禽語供茲飄雲影翻幟
螢停暗帷燈蝸篆仆碑字柏癭蟠輪囷瓠子懸重脰喬林神

鴉號卑薄鬼蝶戲螿虛泉脈通級夷石髮被怒蛙恆瞋睛痴
蝻忽掉臂鼠行黠無聲蝻旋馴有次壞柱腐耳垂敗几蒸眼
潰絲颯胃蠟蝟磷飛見魍魎蝘蝓蝕供後花猿窺祭餘器浮煙
不熏爐溜雨常停解崩垣竄驚鷹崇檐巢惡鷗野蒿食復生
園斑啄將墜牧笛秋霜清樵歌晚風遲嵐光疑積愁谷氣如
發喟對景獨感懷覽物各求類癩祝勞遠陪慵僕倦久侍歸
時羣動息日腳在平地

靜志居詩話張來儀先從吳移居戴山以詩招劬文
云吳興好山水子我盍遷居繞郭羣峰列迴波一鏡
如盞餘卽宜稼樵罷亦堪漁結屋雲林下殘年共讀
書劬文乃移居蜀山兩山蓋相望也

陽臺

昔聞陽臺名今上陽臺路我因興古懷驅車暫停駐餘基尙

突几雲雨自朝暮，哀猿失故聲。野色賸孤樹，當時襄王夢。會與神女遇，幽冥事莫測。萬戰誰能悟，平原互千里。巫山渺何處，淒涼宋公子。深情見遺賦。

田按此幼文晉冀紀行十四首之一自謙云賈於洪武九年往山西與顧應同受上命問俗于晉民自京師下長江歷淮蔡入大梁渡黃河登太行覽唐虞故都周旋於絳汾沁間過雁門代郡回觀上黨長平之舊迹跋涉五千餘里其間山河形勢佳景殊俗未暇盡述姑賦其萬一聊以擴吾之見聞云爾史稱遺賈廉訪晉冀簡其繁惟紀行詩數首投給事中卽此詩也詩綜已錄十章甄復補此

菜適爲永嘉余唐卿石司賦

遠辭華蓋居來卜山陰，宅在到俗未諳久。住地旋闢屋廬尙樸，純楹檁謝雕飾。高營踞山跼，深發逗泉脈。檐將狼尾苦門用鼠筦，織缺垣唯補。難圮砌總蒙，藹編籬限邇。鄰封枿表殊。

場本來是野性豈是耽地僻學圃欲擬樊爲功敢侔稷甯惜
勞外形自甘食餘力耕鋤限兒課灌溉當僕役破塊何嗚嗚
陳器亦爨爨爲許俗士回屐向鄰翁借筐筐織湘材鋏錫鑄
棠液卓鋤鷹嘴利負囊蝟毛襍俯仰疲桔槔沾灑漬襪循
畦行策錢偃林凹敵石鏃披欲芟邱刈削竟驅礫值阜卽爲
坡遇凹就成洫堤崩防密葭竇隙拒亂棘地同農畝計區學
井田畫長畛縱復橫曲渠廣遼窄接流引餘清疏沼滙深碧
架桁秋實垂籬落夏蔓霖雨露加膏腴糞土發磽瘠識種題
裏藏辨類分行植蒔法常按譜候時卽看厯蔽芽拳握紫薑
壁撥駢赤兩合憐薜蘿叢生愛鈹芑初稔迸蟄雷新薑長春
藪雀弁菟葉蛾馬帚并莖直黃繁微颺縣瓠老枯瓣折芍苗

卷龍鬚蕪軟擁半膝黃獨雪晴收紫萼露晞摘陰階茂蔗苞
下田豐菲蔥卷輪木耳垂攢刺菱角射秋茄采更稀夜韭剪
仍殖芝芳凝海瓊菱鬱點池墨枸杞香可醪竹筍熟堪腊石
皮被柔薄土酥膾肥蒟細尊八饌鱸鮮蓂雜羹鯽茶苦槩與
儂菘脆冰爲敵菌榼西蜀致首荷大宛得長紫苻帶流亂篔
陳絲釋芹效野人獻瓜爲天子副泐明纒一方蒿苳連數席
瑤糜慰渴心玉延起羸疾覃毒笑非喜芥辛泣詎戚盤根芽
蕪壤脫穎筍穿壁擷香憐雞蘇折甘嗜燕麥粟腐切方圭乳
餅斲員璧孕子稷受剝贅肘石被誠免目淘夏槐鹿角毛臘
炙菁託諸葛呼巢以元修斥莧褒蔡守清薇怨周節逆邪蒿
義所攘穢萎理堪啞薄利嘉拔葵省謗惡遺蕙窮餐齋酸黃

儉啖薤留白閑情付田園生意仰膏澤莢齊翠疑翦甲圻綠
訝擊掩冉煙際姿蕙荷雨餘色始掇惜滓染載滌畏虫螫新
薦或在邊薄湘亦須爾求久漸投醴致爽遽沃醴不煩僚友
送敬向先聖釋對屠誇大嚼燕客忻小摘梓羞不過二甕並
當飫百未能著疏經安敢踰食籍旨蓄足山廚素供過香積
用茲卒歲年庶得勤朝夕賓魏徐見厭厄陳顏自憚潔畚士
恥污造橋盜懷恤抱甕忿設機授書誦求益縱馬因致憂吞
姪遂亡謫萬錢柳復乞片金華還擲仕知呂姪妄居味鄭人
識枕肱仲尼樂傷指范宣扼鼎臠固云嘉食單亦足適敷淡
分所安堪味欲易極毋因口體累遂使愆民德

田按唐卿於越之桂桐里治圃結茅署曰菜園編徵
名流題咏幼文此詩最爲擅場楊孟載舟入蔡河懷

幼文詩云縱橫千字成生筆迭宕百韻余公萊卽謂
此詩也高季迪姚鼐詩附錄於此季迪詩云桂桐
里中君始歸菜畦獨園黃蝶飛桔槔倚樹長不用江
南雨多山土肥方畦獨逸看新綠晚食何須尙思肉
翠樓登盤春薤香金釵出盜冬蒞熱我家亦在尊菰
鄉秋風便應歸共嘗潮州司馬成何事回首空愁萬
足羊獨卷詩云余君抱奇言不誇種菜擬學元修家
臨溪築廬娛誅草傍蹄樊圃多編葭長鑊短纒一自
列不與文筆相交加畦界條條任橫縮溝澮一隨
紆斜種多不減三十品分苗撒子時無差畝灌未能
親抱瓠設計巧欲爲翻車一畦旣傳渤海薤五色更
接東陵瓜新蒞脆美初研給嫩瓠肥白纒罽網馬齒
忽驚齊發莧牛乳始識駢垂茄芳心纏絲惡網蛛老
葉蠶猶忻迤邐自能懸上不無穢便可應登柔嘉
長奴芟夷腳自赤老婢採擷頭還盪不令筐筥混葵
藿反任鼎俎兼魚蝦純美自適頗豪邁薛荔可辨何
咄嗟誰云小摘畏傷指我欲大嚼常搖牙可辨何
叩咄誰云小摘畏傷指我欲大嚼常搖牙可辨何
薄兼尊汗一爐自足飽空腹豈待葢桂烹羹藟酒
不能知此味五鼎日食成淫奢君今措事藁藟藟葛
菁隨處爲生涯

余堯臣一首

堯臣字唐卿永嘉人爲張士誠客明初謫徙濠梁旋

放還授新鄭丞有菜迺集

田按唐卿與楊基張羽徐賁王行王彝宋克呂敏陳則釋道衍爲高季迪北郭十友季迪答余新鄭詩云日高破窻煙未起閉戶不絕哦詩聲又云須臾出看寄我札上有秀句如瑰瓊亦豪於吟事者惜集不傳僅見題秀野軒一詩而已

秀野軒詩

溼翠浮草芽空青散木杪輕舟理橫塘歸人渡清隴樓鴉返
故巢潛鱗濯新藻倒景淡斜暉迴飈蕩晴昊衝門夜不扃燕
坐事幽討落葉秋自飄殘花春慚埽我欲往從之稅駕苦未
早揮手謝孤雲去去沒蒼微

王行一首

田按秀野軒圖卷乃朱澤民爲吳人周景安作者江
民山水蒼潤清逸此圖最爲名蹟歷藏三項氏卷
邨高氏卷前周伯溫爲之引首秀野軒三大字公
尾題者二十一附錄於此高啟詩亦在其列今并
詩之佳者錄於此高啟詩亦在其列今并
菲菲前山爾欲聞吾師度水歸望煙知君家花竹
半扉乍休田中來猶響林下機此鄉卽枕源亂後
有稀閑圃身已到不知塵境非徐賁詩云何處問
尋軒居湖上林竹陰看坐釣苔跡想行吟嶂日斜
爛消風涼到琴相過有鄰叟應只論閒心王行詩
高館罷零雨前榮殿微風罪碧蘿花吹落酒竿中
移席俯流水揮絃度秋鴻遙思獨樂意遂哉誰與
王彝詩云古苔十畝青山麓窈窕幽花映深竹中
高人壺掩扉裏不省睨上書屋清風出谷灑秋香
照翠欒波春綠不省睨上書屋清風出谷灑秋香
徐雲詩云春風十里翳翠屏看細路經邱杖藜熟
泉石雜花竹天放畫圖鐘地盤高人問軒窗當此景
兩酒賦詩白日靜四擔風作翠地盤高人問軒窗當
影我亦托迹耕漁間結屋讀警湖上山抱琴訪子從
茲始布鞵青鞵相往還

行字止仲長洲人洪武末坐藍玉黨死有半軒楮園

二集

四庫簡明目錄王行詩格清剛駿爽在北郭十子內與

高啟亦稱勅敵

華精吳郡王止仲國初布衣也王文恪華記稱其才

敏嘗識姚廣孝於未遇余嘗得楊文敏公遺書中有

王行半軒文集十二卷寫本也其詩不甚多如高館

疏簾晚乍閒讀書聲裏故人來山中本自無塵土催

得家值埽綠苔清逸可誦

田按北郭十子能畫者五人幼文畫蹟流傳最多孟

載來儀仲溫止仲今罕傳者止仲喜潑墨成山水時

人謂之王潑墨自題所作畫詩云高館良宵睡思遲

葛巾重著半曛時都將滿抱林泉興付與間窗墨半

池可想見盤礴之趣矣

題雲林畫

每看新圖憶舊游遠情閒景共悠悠亂鴻沙渚煙中夕黃葉

江村雨外秋亂後得安翻訝夢醉來因感卻生愁那能便結

滄洲伴重向煙波覓釣舟

宋克一首

克字仲溫長洲人明初徵爲侍書出爲鳳翔府同知
劉鳳續吳先賢讚仲溫謝容杜門取薄賑臨魏晉書
窮晝夜不廢遂精其藝眞行草皆有意稱妙盡古
法今所傳七姬志等類鍾元常祝允明論書謂如初
筵忽見三代鼎彝蓋亦天授非人工能逮時又有宋
昌裔者工力不減克時稱精媚
六視齋二筆宋仲溫書法急就勁利古雅髣髴鐘鼎
溢爲繪事雅寫細竹嘗見其作雞栖石叢篠一幅題
語極自滿意有藝成不覺自斂手之句蓋謂不可復
得也
畫史會要宋仲溫善畫竹評者云雖才岡尺壑而千
筵萬玉蕭然無俗氣曾在試院卷尾以硃華掃竹一
枝故張伯雨有偶見一枝紅石竹之句
田按明初書家仲溫與宋廣稱二宋合宋璫稱三宋
倪元鎮贈仲溫詩云江上欣逢宋仲溫蕭條古道向
君論我居笠澤已十載看竹惟君欵我門又云宋公
天下士畫竹就鼓琴來我北渚下相從論古心元鎮

不輕許人者仲溫之品概可知矣

秋日懷兄弟

秋至憶兄弟蕭蕭木落初如何去鄉國不見有音書漂泊全無定存亡半是虛風塵幾時靖遠似昔同居

呂敏二首

敏字志學常州人徙無錫元末爲道士洪武初官無錫教諭有無礙居士集

田按高季迪有送呂山人入道序云山人少欲舉進士遭時兵興避地梁溪汾湖之間閉門教授服弊茹糲以勤苦自厲絕不干於人久之猶以爲未也適著黃冠謝遣弟子將東遊海濱求大山長谷而居之又贈之以詩云海風寒拂紫鬚煙初著黃冠已稱便蓀裏竟拋紅葉字燈前唯寫碧苔篇客窗炊黍回新夢仙圃偷桃記昔緣亦欲盡將書策棄山中依子學長年同時李延興亦有送志學詩云賦罷長楊戴鶴冠

笑人慕道不休官窗間風雪三餘學林下煙霞七返
丹白社年深成雅會紫垣秋靜禮虛壇夜窗欲問長
生術月轉西樓十二闌蓋元末朝政不綱賢者皆有
托而逃宋景濂入金華山爲道士不僅志學一人而
已

再寄高季迪

空谷白駒那可羈高踪祇欲慕天隨吳江日去應無恙甫里
春來定有詩花憶杏園攜酒日雨思山館聽鶯時去年亂裏
從遊處肯信于今又別離

爲惠機長老題徐幼文寫惠山圖

天寒華表鶴歸遲隔世令人起遠思偶見漪瀾堂上畫猶看

悟澹卷中詩

幼文爲道機長老寫惠山圖肆筆道麗清潤而帶書法幼文已矣而畫獨存感歎賦此幼文詩

鐵題悟澹集漪瀾卽惠山堂扁也無錫縣庠呂志學題實洪武庚申七月也

陳則一首

則字文度崑山人洪武初以秀才舉授應天府治中

握戶部侍郎謫大同府同知遷知府

張大復梅花草堂集陳文度少與高啟徐賁張羽楊基相倡和嘗賦紫菊同社丞稱之呼陳紫菊

小孤山阻風寄止仲季迪

山葉盡霜飛空巷出翠微一僧同月宿萬鳥合雲歸地勢疑
成峽湍聲不過磯自非風信阻登覽亦相違

唐肅十六首

肅字處敬會稽人元末官嘉興學正洪武初召修禮
樂書擢應奉翰林文字兼國史院編修以矢朝罷歸
謫佃濠有丹崖集八卷

詩談唐肅謝肅驀驀驪並馳藝苑唐有子之酒克
繼其學

國雅唐處敬山色元來蜀江聲直到吳月到翻經閣
苔緣挂壁琴亦是高唱
田按處敬入吳與高季迪爲詩友季迪賦處敬序云
余世居北郭同里之士有文行而相友善者王君止
仲一人而已十餘年來徐幼文自涇陵高士傲自河
南余唐卿自永嘉張來儀自潯陽唐處敬自會稽各
以故居吳於是北郭之文物遂感矣其移家橋李也
贈以詩云杏花開北郭誰復共招攜其爲寓公增重
如此處敬與謝密菴稱會稽二肅密菴集佚四庫
館開從承樂大典錄出丹崖集收藏家尙有傳本迄
今並時藝苑核其詩品正不相下處敬兼長六法嘗
自作梅石圖賦詩題之

送陶元庸

有酒澆趙州無酒酌鸚鵡不逢平原君何須識黃祖殺姬謝
覽士茲事付塵土誰能愛文章甘受媢罵侮丈夫氣蓋世身
爲知己許蒼茫風塵際因子慨今古臨歧舞銅劍霜隼凌平

楚夫矣江國遙相思隔津鼓

會上人臨流亭

長川流壘壘華構鬱翹翹
鵬飛涵綠淨洞敞納鮮飗
遙窺眾峯碧仰睇孤雲飄
開簾聞鶯鶯俯檻見遊儵
杜蘅旣春敷菱荷復夏饒
以茲悟物理於焉解天弢

偕朱伯賢王叔閏過怱上人庵得出字

幽莖接重郭窮冬變陽律
爰從隱者徒適憩禪子室
翩翩花雨滿冉冉妙香出
止水不生瀾空林長見日
觀習神宇澄言忘道機密
由來玄度高獨愛支郎逸

夜坐懷龍子高

暫別已覺久重來杳難期
憶君山下屋啜茗談新詩
君詩無

今人李杜期攀追酒酣髮衝冠燕歌激虹霓壯哉江海士天
馬脫羈羈如何舍之去仗劍逐軍麾轉鷹十二翮傍人良苦
飢何當飛墮前共此秋月輝

題畫

春齋畫坐花落初客來示予古畫圖中人物誰所摹衣冠
似是晉代餘中床獨踞美丈夫烏紗籠髮髻鬚髮右手摘阮
意自如左手控絃分急徐繞床六人皆麗姝纖腰髻髻長裙
裾一擎羽扇立床餘一負塵拂髹柄朱左右二姬意態舒一
垂短袂一鸞襦一姬手中紙筆俱瀟灑展幅若有需一姬執
器製特殊非簫非箏非笙竿紛然列侍豔且都爭妍競巧爲
主娛公忠世許王司徒亦有短轅金犢車選客此圖起長吁

智伯頭飲器歌

飲伯頭些伯鬼伯死甯知頭作器玉盤酒滴腥腥紅血波倒
浸泥丸宮雷吼無聲電睛墜伏犀骨斷漆花膩老龍一吸銀
海澁飲闌擲杯怒髮立英魂夜半不敢泣君不見君漆頭臣
漆身恨君藍臺爭諫臣

秋江圖

妾家住銀塘石楠秋葉香憶君蕩槳去江水與愁長西風夜
泣蒨花露鴨背岸低人不度冷莎如鍼刺煙素鴛鴦飛來鷓
鴒去

縉雲歸隱圖歌送陳魯山

高堂雪壁雲模糊挂君縉雲歸隱圖縉雲之山古仙都千朵

萬朵青芙蓉側聞軒皇此云徂至今瑤草甘露映陳侯十年
戎馬劬腰間厭帶黃金符侯封廟食胡爲乎不如還山尋舊
廬青林石道羊腸紆上有裊裊哀猿呼陳侯是時騎蹇驢卓
鞭微吟落日孤山中之人夷皓徒聞侯此曲應笑娛丹泉釀
酒香拍壺玉桃如瓜味如酥陶然一醉千日餘侯不歸來實
侯愚

劉松年山居圖

會逐大茅君峯頭卧古雲鳥青呼作使鶴白養成羣客較丹
砂法童窺玉券文近來煙火斷花氣作鱸鱸

送廟上人遊天臺

嵐翠溼袈裟春寒稠未花峯尖認華頂鳥語譯頻伽葉落常

眠虎瓜香不啖蛇，遙知齋鉢裏。仙女借胡麻。

蔡淵仲散木菴歸來圖

虎觀紉書罷，龍江返棹初。白金君賜重，黃髮宦情疏。浩蕩芝
山色，蕭條散木居。春田猶及種，歸理白雲鋤。

鏡湖圖

自憐一曲有心期，不用黃冠詣闕辭。舟近香爐峯下泊，馬從
酒甕石邊騎。春雲竹護方干島，霜樹鴉啼漢守祠。面面屏風
開水墨，輞川今日屬王維。

答虛室別後見寄

喜同溪上狎鷗羣，行看山光坐看雲。棋拂露枰松下著，藥敲
煙碓竹間聞。飛觴酒許從頭飲，險韻詩教隔手分。爭遣別來

相憶甚正如前日未逢君

錢塘書事

鬼馬蕭蕭踏暮雲
花奴嘒殺故將軍
雕弓不返腰間報
玉貌空嗁馬上裙
報國有心徒耿耿
馭兵無律竟紛紛
關西太尉非華胄
誰撰騏驎石上文

別朝詩集此詩爲楊完哲所作

雲林畫竹石

木落秋吟夜露翻
山空無人石榻寒
不似君家子午谷
雲旗畫下玄都壇

應酬賦海東青

雪翻能追萬里風
坐令狐兔草間空
詞臣不敢忘規諫
卻憶

富時魏鄭公

姚福青溪暇筆洪武間翰林應奉唐蕭有應制賦海
東青一絕自記云是日北御奉天門外西廡房觀海
東青翰林學士宋濂因陳曰禽荒古所戒上曰朕聊
玩之耳不甚好也濂曰亦當防微杜漸上遂起嗚呼
誠不在鄭公之天下而肅之詩亦可謂善於規諷矣
我太祖聖明天縱固非唐太宗所能肖然朱公之直

謝肅十四首

肅字原功上虞人洪武中舉明經官福建僉事以事

下獄死有密菴集八卷

戴良九壘山房集密菴五言古則本之魏歌行則遵
季杜近體則祖少陵他若山川之離合土地之沿革
人物之廢興可以正史策之訛謬補志之缺略紀行
之詩而至原功可謂盛矣

田按四庫提要稱密菴集傳本久希藏書家罕著
於錄惟永樂大典中所錄肅詩文頗多採綴者無
爲八卷我朝四庫館開凡前人著作之遺佚者無
不甄錄明初專集如錢宰臨安集藍仁藍山集藍智

監澗集鄭潛樛巷類稿龔教鵝湖集皆從采樂大典
錄出原功古詩樛樛健七律尤爲到格日逝去今觀集
按漳泉有虎患移文告境內之神卽化人云有猛
中傷人者甚舉余未信薄暮而行果遇虎伏不敢
動良久將通辭以諭之并示入閱官吏詩云當前立
馬一叱虎卒隸氣方呻喚鏗籃焚香明奪豈照耀
甍谷無潛形夫以卒隸之衆焚香奪豈以明虎雖
卽不逢按察詎不遁且伏耶原功之意蓋以虎兇
吏其日我職分符省風俗狐兔必墮豺虎逐於菟
臨最豪雄唱人肥己當先戮其後劫布政使薛大
不職竄法有如此虎矣世遂附會其說移文告神
遁出境若宋均渡虎之事不絕於後世也異哉

河陰渡

朝發武陟城夕宿河陰渡平原鬱蒼蒼蔓草已多露展我素
韞瑜偃息並厓樹洪濤與風會愆若迅雷怒揆余江海士止
遊隨所遇一葦苟可杭濟險亦奚懼所念形影單恆饑在長

路中田豈無稼不受一飯顧引領望故鄉已復星漢曙宣尼
川上歎使我獲深晤

門有車馬客行送倪孝方

門有車馬客意氣何桓桓既持倚天劍復戴切雲冠自云報
恩子不畏行路難有能遇國士一語披肺肝而我不解事抱
瑟齊門彈知已諒難得盛年嗟易闌落拓走吳楚與子聊遊
盤懷才既無補竊祿非所懼念彼古豪俊豈必卑小官逢時
展經濟乃使蒼生安之子素侷儻此道期相敦明當別我去
贈以翠琅玕

和楊鐵崖分韻顧仲英春夜樂

回文織就春機紅耶君歸馬如飛龍香闥畫屏燒絳蠟小几

清箏響銀甲翠鳳纔炮白鹿烹鬱金美酒玉花罌瓊杯嫩澁
妾爲行氣耐笑絕縵胡縵大地有維天有柱妾寧無心終事
主還憐獨宿含嗔婦燕子樓寒半簾雨

宋內門

何處前朝虎豹關海鮮橋上雨斑斑落花暮逐流觴水芳草
春迷疊石山列帝玉京孤塔底梵王金構夾城間空餘往事
南翁說汎海龍舟斷不還

題丹山赤水洞天

雲北雲南山萬盤仙人宮闕俯巉岈晴峯落影半天碧雪瀑
飛花六月寒白日雙鸞翔玉宇長年一虎卧瑤壇桃花莫使
春光老遲我歸來轉大還

送浙東憲史陳天祥歸永嘉

迎客臨江小小亭
官梅花發酒初醒
舟前浪起蛟門白
馬首風迴雁蕩青
進食吏人趨傳舍
索衣兒女拜中庭
會令憲法行中國
三尺鉞刀始發硯

洪澤

東流澤受羣流廣
遠近雲飛倒影過
萬古蛟龍深處有
大陰雷雨四時多
牙船實欲通淝水
錦纜虛疑轉汴河
會整廢田重灌溉
楚農齊唱有年歌

盱眙

長淮清泗東南闕
第一山當碧漢橫
勝地幾迴經戰馬
客舟千里聽嘯鴛
波濤晴動僧伽塔
草木春深義帝城
天際汴河

來滾滾陳留遺俗最關情

入閭門

亂後閭門暫得歸暮春三月馬嘶嘶桃花也復如人面柳絮
依然點客衣畫舸神仙流水遠綵雲樓閣劫灰飛姑蘇兩度
看游鹿莫倚東風問是非

自查湖下湖頂還蓀溪

大查湖曲地逶迤北轉蘿巖萬古奇返照弄霞美女嶠冷風
激樹雁門祠木槩穩敲蘆簫響小鳥驚看蓆帽欹黃葉滿林
茅屋近不妨吟嘯過溪遲

甲寅六月十五日夜蓀溪書舍玩月有懷任魯民先生

時任已逝

嬾婦山高湖水深，狂夫遙夜發清吟。
臨流團扇颺荷氣，玩月胡床轉樹陰。
聊適蒲園今日意，敢論經世百年心。
乾坤俯仰相知少，愁對朱絃振古音。

再過積慶菴

匡谷盤迴路轉綠，日高猛虎卧庭前。
好茶曾啜山僧椀，獨樹重維野客船。
夏盡燕峰青龍過，雨上如湖白雁橫。
天低徊謾盡登臨意，海寓蒼生已宴然。

七月十五夜太湖看月

震澤早秋秋月明，老夫此夜頗關情。
三千餘里出閩海，七十二峰看洞庭。
恍漾金波浮大地，淋漓元氣溼青冥。
茫然錯料鷓夷子，倒載西施一舸行。

詠小桃用前韻

每愛天桃紅勝錦桃紅何似客愁新去年花裏曾傷別萬里
天涯又見春芳景易隨流水謝多情猶韻玉笙頻劉郎白髮
風流在莫道尋真未過真